



增補甘泉縣志

貳

ル 5
3144
2



門 儿 5
3144
2

增修甘泉縣志卷一

甘泉縣知縣吳鄂峙 張宏運 王熙泰 原纂

甘泉縣知縣陳觀國 揚州府教授李保泰 續輯

甘泉縣知縣徐成勳 桂正華 朱公純 增訂

建置沿革志

淮海惟揚州 尚書

揚州唐虞淮海之間皆州域也 元和郡縣志

揚州春秋時屬吳左傳云吳城邗溝是也吳滅屬越越

滅屬楚 通典

吳廣陵為東楚 史記貨殖傳

沿革

秦滅楚屬九江郡 文獻通考

廣陵屬九江郡 資治通鑑注

漢為廣陵國 通典

按郭子章郡縣釋名及明一統志南畿志揚
 洵府志張寧縣志俱作漢初為淮南國今考
 漢書高帝四年七月立英布為淮南王六年
 正月立劉賈為荆王十一年七月布反擊殺
 荆王賈十二年十月斬布即立子長為淮南
 王王淮南故地立沛侯濞為吳王王荆故地
 是淮南與荆本係兩國廣陵自屬荆吳與淮

自餘南國無涉諸書並誤故不引用

廣陵國高帝六年屬荆國十一年更屬吳景帝四年更

名江都武帝元狩三年更名廣陵屬徐州 漢書地理志注

漢封吳王濞以廣陵屬吳 歷代地理指掌圖

郡國志輿地廣記吳王濞都廣陵按地理志廣陵縣江

都王非廣陵王胥皆都此不言濞也 通鑑地理通釋

按厚齋此言良是即杜佑樂史王存馬端臨
 諸書亦不言吳王都廣陵蓋亦疑劉昭之注
 未確也然漢書江都王非傳明云王江都治
 故吳國顏師古曰治謂都之而地理志注云

江都王并得鄆郡而不得吳至若會稽郡卽吳國也而注云景帝四年屬江都劉原父於是據不得吳之文以駁之則孟堅當日亦復自相牴牾况昭又在其後乎顧昭又云城周十四里半似非無所據存以俟考

江都縣本秦廣陵縣地景帝立江都國遂因國以建縣焉太平寰宇記

續志考正江都廣陵並漢縣景帝四年以汝南王非徙王江都非薨子建嗣武帝元狩元年建以罪自殺國除爲郡元狩六年武帝又策其子胥爲廣

陵王卽厲王也立六十四年以宣帝五鳳四年自殺其子爲庶人是江都與廣陵更迭爲國江都國廢而廣陵始封江都之爲國僅三十餘年前漢志所以列江都于廣陵國下蓋先有縣而建國其謂因國以建縣者非

按江都廣陵分縣而治自漢至六朝不改隋始設江陽與江都並治而無廣陵唐時所設揚子縣皆江都地宋又因爲建安軍爲眞州魏文帝臨江觀兵在今瓜步接六合界則江都縣域甚廣爾時本未有眞州也其別爲輿縣爲齊甯爲

本化皆廣陵江都二縣所分地歷時皆不久隋
大業曾改江陽為邗江時廣陵已廢大約江陽
即故廣陵地南唐復以江陽為廣陵宋熙寧并
廣陵于江都南宋再置迨元明廣陵廢而惟一
江都今甘泉則分江都之半東北跨湖西北依
山其濱江皆江都地也 又考江都在隋唐前
並無江陽之名後漢志犍為郡有江陽縣姜詩
嘗為之長蜀志張翼亦為江陽令皆犍為屬邑
也盛太常府志及萬曆縣志收姜詩張翼于縣
令中舛誤甚矣

西漢廣陵縣為廣陵國治江都縣屬廣陵國

皇輿表

廣陵國莽曰江平廣陵縣莽曰安定

漢書地理志注

東漢為廣陵郡

輿地紀勝

廣陵郡十一城徐州刺史部

後漢書郡國志

東漢江都縣屬廣陵郡

皇輿表

後漢廣陵郡治廣陵縣

神州古史考

魏為重鎮嘉平後屬吳

通典

魏廣陵郡移治淮陰而以故城為邊邑

讀史方輿紀要

晉廣陵郡武帝太康三年治淮陰故城後又治射陽江

左治廣陵

宋書州郡志

元帝渡江於廣陵僑置青州

晉書地理志

元帝僑置兖州居京口明帝以郗鑒為刺史寄居廣陵

後改為南兖州常居廣陵

晉書地理志

續志考正南兖州之名起于劉宋凡僑郡之稱南

者皆同東晉但稱兖州與青州同鎮並無南名晉

書蓋從其後稱之耳

晉末以廣陵控扼三齊故青兖同鎮

玉海

宋永初元年罷青并兖三年檀道濟為南兖州廣陵因

此為州鎮

南齊書州郡志

宋置廣陵郡文帝兼置南兖州

輿地廣記

南兖州文帝元嘉八年始割江淮間為境治廣陵三十

年省南兖州其後復立還治廣陵

宋書州郡志

宋廣陵江都二縣廣陵縣為廣陵郡治江都縣文帝時

以輿縣省入屬廣陵齊梁因之

皇輿表

齊廣陵郡建元四年罷北淮揚北下邳北濟陰東莞四

郡并

南齊書州郡志

齊廣陵郡治海陵縣廣陵縣屬

神州古史考

梁置南兖州北齊改為東廣州陳復曰南兖後周改為

吳州開皇九年改為揚州置總管府大業初府廢

隋書地理志

揚州總管府煬帝改為江都郡移於坊內 太平寰宇記

隋江陽為江都郡治 輿地廣記

江陽舊曰廣陵北齊置廣陵江陽二郡開皇初郡廢十八年改縣為邗江大業初更名江陽江都自梁及隋或省或置 隋書地理志

隋大業十二年分江陽又立本化縣於郡南半邏 揚州圖經

江陽後省入江都 輿地紀勝

唐武德三年以隋江都郡為南兗州置東南道行臺七年改為邗州九年改為揚州置大都督府貞觀十年改大都督為都督龍朔二年陞為大都督府天寶元年改

為廣陵郡依舊大都督府乾元元年復為揚州自後置

淮南節度使以江都為治所 舊唐書地理志

江陽貞觀十八年長史李操奏割瀆渠以東九鄉復立

焉 太平寰宇記

江陽分江都縣置在郭下與江都分理 舊唐書地理志

開元二十一年置十五道採訪使淮南道理廣陵 通典

凡稱揚州者東漢指歷陽或壽春或曲阿中原自魏至

周指壽春或合肥江左自吳至陳指建業或會稽隋唐

五代乃指廣陵其為揚州自隋始也 通鑑地理通釋

揚州淮南建東都顯德五年入於周 馬令南唐書

吳天祚三年以廣陵為東都 五代史吳世家

南唐昇元元年以廣陵為東都 陸游南唐書

南唐以江陽省入廣陵 南畿志

續志考正南唐改江陽為廣陵時以江陽改名廣陵非本有廣陵而以江陽省入也

吳江都江陽二縣南唐改江陽為廣陵並為江都府治

周江都廣陵二縣並為揚州治 皇輿表

吳江都府周為大都督節度宋因之 文獻通考

宋揚州大都督揚州廣陵郡淮南節度治江都 元豐九域志

太平興國元年分淮南為東西路揚州為東路 宋會要

揚州舊領淮南東路兵馬鈐轄建炎元年陞帥府四年

為真揚鎮撫使 宋史地理志

真揚鎮撫罷徙帥府於楚州揚州仍兼管安撫 輿地紀勝

續志考正宋自南渡後立國于杭揚為邊地開禧

元年用兵後邊事尤劇嘉定十二年設淮東制置使治

南興楚州寶慶三年姚翀敗後楚州不復設闔紹定六

年趙葵除淮東制置使知揚州則治在揚矣端平

初曾移泗州三年復治揚至淳祐十年賈似道加

稱兩淮制置大使又兼宣撫咸淳間李庭芝印應

雷相繼任之及庭芝再任而遂殉國矣其謂徙帥

府于楚州揚州仍兼管安撫漏畧不備歷來揚州府縣志皆未有及者緣宋史職官志敘次本疎于南宋事尤略府縣志仍而不覺耳

江都熙寧五年省廣陵縣入焉

宋史地理志注

南渡後增廣陵

宋史地理志

元至元十三年初建大都督府置江淮等處行中書省十四年改爲揚州路總管府十五年置淮東道宣慰司本路屬焉十九年省宣慰司以本路總管府直隸行省二十一年行省移杭州復立淮東道宣慰司止統本路并淮安二郡二十三年行省復遷宣慰司遂廢後改立

河南江北等處行中書省移治汴梁路復立淮東道宣

慰司

元史地理志

續志考正元至元十三年七月始定揚州十月以參知政事陳巖行中書省事于淮東蓋始置江淮行省于揚也朱霽爲淮東大都督知揚州十四年改都督府爲總管府仍以霽爲揚州路總管兼府尹都督府與行省自爲兩官霽元史無傳詳見蘇天爵滋溪集所撰神道碑二十一年徙江淮行省于杭州改稱江浙二十三年以行省忙兀帶言其不便復徙揚州二十四年仍稱江淮行省至二十

六年二月又徙杭州改浙西宣慰司爲淮東宣慰司治揚州割隸河南江北等處行中書省汴梁舊立河南江北行省非至是始改立移治也元史百官志云二十一年以地理民事非便遷於杭州反以忙兀帶所言不便于杭者移屬于揚直云二十二年割江北諸郡隸河南與本紀各傳相背迨順帝至正十二年三月立淮南江北等處行中書省治揚州首領官屬官共二十五員爲頭平章則季年事矣

元史本紀至元十五年十一月行中書省自揚州徙治杭州又二十一年二月徙江淮行省于杭州行省卽行中書省也旣徙于十五年何復徙于二十一年必有一誤案史十六年至二十年本紀內屢記江淮行中書省事則其在揚州明矣迨二十一年徙杭之後忙兀帶復奏言不便則以揚州路仍屬江浙行省每事受成行省自北而南道路迂遠故仍還行省于揚直至二十六年徙杭之後以江北三郡屬之汴梁隸于河南江北行省形勢順便遂爲永制元史于十五年設宣慰時遽云自揚徙杭而不顧其後文之相背當係贅出

至元十四年置行御史臺于揚州置八道提刑按察使江北淮東道其一也二十一年閏五月自揚遷杭二十三年又自杭遷建康而以淮東按察隸內臺二十四年仍以淮東隸行御史臺二十八年改提刑按察使為肅政廉訪使其明年崔彧等奏行御史臺舊治揚州今揚州隸南京至元二十五年南京已改為汴梁路此史文之誤而行臺移治建康其淮東廉訪使舊治淮安今宜移置揚州從之

至元十九年七月立行樞密院于揚州二十三年徙建康後併歸行省順帝十五年又立淮南行樞

密院于揚州不久

元江都縣為揚州路治宋南渡後增置廣陵縣元志無之當是宋末元初仍省入江都也皇輿表

明太祖丁酉十月改揚州路為淮海府辛丑十二月改為維揚府明太祖實錄

明初淮海府龍鳳二年改後改為揚州府龍鳳十二年元至正二十六年也讀史方輿紀要

按丁酉為元至正十七年辛丑為二十一年其改揚州府乃丙午二十六年時太祖尙奉龍鳳年號及有天下揚州府名無改今南畿

志一統志張甯縣志並云庚子置淮海府壬寅改維揚府誤甚而陳魯南郭青螺曹石倉諸書直以為永樂十八年置淮海府尤誤之誤也今特以實錄正之至明太祖破揚州即在丁酉十月是為至正十七年而舊志云至正十二年克揚州亦繆

明江都縣為揚州府治 皇輿表

國朝因之雍正九年五月兩江總督尹繼善疏言揚州府江都縣路當衝要事務殷繁附居府城幅員遼濶應增設一令分疆而治於地方甚有裨益

皇上特可其請遂析江都縣地之西北為甘泉縣以縣有甘泉

山得名縣治與江都縣同附郭

建置沿革表

世代	唐	虞	夏	商	周	春秋
帝	帝	帝	帝	帝	帝	地
分域	揚州	揚州	揚州	揚州	揚州	吳地
郡國	吳國	吳國	吳國	吳國	吳國	
縣	吳縣	吳縣	吳縣	吳縣	吳縣	

越地

戰國 楚地

秦地

秦 揚州 九江郡 廣陵

漢 揚州 荆國 廣陵

景帝 揚州 吳國 廣陵 江都

武帝 徐州 江都國 廣陵 江都

新莽徐州 廣陵國 安定郡 江都

後漢 徐州 江平郡 廣陵郡 江都

三國 魏 徐州 廣陵郡 江都

晉 徐州 廣陵郡 廣陵 江都

宋 南兖州 廣陵郡 廣陵 江都

齊 南兖州 廣陵郡 廣陵 江都

梁 南兖州 廣陵郡 廣陵 江都

陳 南兖州 郡縣無考 廣陵郡 廣陵 江都

北齊 東廣州 江陽郡 廣陵 江都

周 吳州 江陽郡 廣陵 江都

隋 揚州 江都郡 江陽郡 江都

唐 淮南道 揚州 又廣陵郡 江都 江都 江陽

五代吳 揚州 江都府 廣陵 江都 江陽

南唐 揚州 江都府 廣陵府治

周 揚州 江都 廣陵

宋 淮南東路 揚州廣陵郡江都州治 廣陵

神宗 淮南東路 揚州廣陵郡江都州治

高宗 淮南東路 揚州廣陵郡江都州治 廣陵

元 淮東道 揚州路 江都路

明 南直隸 揚州府 江都府治

國朝 江南布政使司揚州府 江都府治

雍正九年江南布政使司揚州府 江都府 甘泉府

治 以上原志

吳越星野志 曆中庚文也

黃帝受命始作舟車以濟不通乃推分星次以定律度

自斗十一度至婺女七度一名須女星紀之次於辰在

丑謂之赤奮若於律為黃鐘斗建在子今吳越分野王

紀世 保章氏掌天星以星土辨九州之地所封封域皆有分

星以觀妖祥 周禮

十二次之分星紀吳越也 周禮注

辨九州之地者主北斗而言按春秋緯文耀鉤云蒙山

以東至南江會稽震澤徐揚之州屬權星 周禮疏

星紀斗牽牛也

爾雅

牽牛斗者日月五星之所終始故謂之星紀左傳云歲

在星紀是也

爾雅疏

牛女為江湖江湖者所以開神潤化故其氣喘息

春秋

元命苞

星紀在於東北吳越實在東南

春秋正義

易氏曰昭二十二年吳伐越晉史墨曰越得歲而吳伐之釋者以為歲在星紀此星紀為越之分星而揚州之

星土也

玉海

吳故治西江都牛須女也

越絕書

自南斗十一度至須女七度為星紀於辰在丑吳越之

分屬揚州

甘石星經

斗江湖牽牛婺女揚州

史記天官書

須女四星亦婺女天少府也南斗牽牛須女皆為星紀

於辰在丑越之分野而斗牛為吳之分野也

史記正義

吳地斗分埜也

漢書地理志

明帝永平九年正月戊申客星在牽牛長八尺歷建星

在房南滅見至五十日牽牛主吳越房心為宋後廣陵

王荆與沈涼楚王英與顏忠各謀逆事覺皆自殺廣陵

屬吳彭城古宋地

後漢書天文志

玉衡者謂斗九星也玉衡第一星主徐州常以五子曰

候之甲子為東海丙子為琅邪戊子為彭城庚子為下

邳壬子為廣陵凡五郡劉昭後漢書天文志注補

斗牽牛嬖女吳博雅

星紀陳卓謂斗牽牛須女吳越揚也自南斗十二至女

七辰在丑九江入斗一廬江斗六丹陽斗十六會稽牛一臨淮女四廣陵牛八泗水女一六安女六

費直謂起斗六晉書天文志

北方斗六星其狀似北斗牛六星近在河岸頭頭上雖

然有兩角腹下從來欠一脚女四星如箕主嫁娶丹元子步

南斗牽牛星紀之次也丑初起斗九度中斗二十四度
終女四度其分野自廬江九江負淮水之南盡臨淮廣
陵至於東海舊唐書天文志

南斗在雲漢下流當淮海間為吳分唐書天文志

天市垣二十二星在氐房心尾箕斗內宮之內東蕃十
一星六曰吳越宋史天文志

斗二十五度天廟也亦曰天機五星貫中日月正道為
丞相太宰之位酌量政事之宜褒進賢良稟授爵祿又

主兵南二星魁天梁也中央二星天相也北二星天府
庭也亦為壽命之期通志天文略

斗二十四度度至魁第四星去極一百十七度半在黃道外二度天之賞祿府也主天子壽算為宰相爵祿之位自南十二度至女七度為星紀於辰在丑吳之分天機要鬼料竅

斗六星赤二十五度四度入丑於辰在丑星紀之次為磨蝎宮吳越之分野屬揚州天元玉曆

斗牛星紀吳越隸揚負淮水同上

自斗十一度至婺女七一名須女曰星紀之次辰在丑謂之赤奮若律中黃鐘斗建子今吳越分天原發微

南斗六星其魁第一星主吳第二星主會稽觀象玩占

牛斗星曰星紀宮曰磨蝎時曰丑州曰揚列代地理指掌圖

自南斗十二度至須女七度為星紀於辰在丑吳越之分野屬揚州費直起斗十度蔡邕起斗六度文獻通考

五星之分野若天官書吳楚候熒惑占烏衡玉海五星之分野若天官書吳越候熒惑續漢志熒惑主霍

山荆揚交同上

干支之分野若天官書丙丁江淮海岱漢志戌吳越同上禹貢淮海惟揚州淮海之間皆州域也於天文自斗至

須女為星紀之次清類天文分野之書

斗牛在丑自斗三度至女一度屬吳越分揚州同上

天市下垣列國星宿之所在其星東西二十有二宋南海東海徐吳越齊中山九河趙魏韓楚梁巴蜀秦周晉河間河中曰分野者指列宿所屬之分而言也鄭氏所謂星土者是也

蕪平仲文集

牛屬中都之陽

推篷寤語

斗三度至女一度屬吳越分揚州直隸應天府斗分星紀之次揚州府高郵通泰三州皆斗分

橫雲山人集

按分野之說掌於周官見於左氏七國時有甘德石申等圖張衡蔡邕始以漢郡配焉唐李淳風撰法象志又以唐之州縣配焉隋書

經籍志有費直周易分野星圖一卷孝經分野圖一卷其書皆亡揚州分野在星紀之次直斗牛之宿但度數盈縮星翁日官言人人殊善乎劉昭之言曰懸象在上終天不易郡國沿革名稱屢遷遂令後學難為憑準今博采諸書著於篇以備參考其北斗五星干支之分野以及天市下垣二十二宿所屬亦附見焉

以上原志

祥異附

漢景帝五年五月江都大暴風從西方來壞城十二丈

史記本紀

明帝永平八年十月壬寅晦日有食之既在斗十一度斗吳也廣陵於天文屬吳後二年廣陵王荆坐謀反自殺後漢五行志

永平九年正月戊申客星出牽牛長八尺歷建星至房南滅見至五十日牽牛主吳越後廣陵王荆謀逆事覺自殺後漢天文志

順帝永和二年五月戊申太白晝見八月庚子熒惑犯南斗斗為吳明年五月江賊蔡伯流等數百人攻廣陵燒城郭殺都長同上

魏文帝黃初六年十月乙未有星孛於少微歷軒轅占為兵喪除舊布新之象時帝軍廣陵明年五月崩晉書天文志

晉武帝咸寧元年五月廣陵大風壞千餘家折樹木同上

懷帝永嘉六年七月熒惑歲星太白聚牛女之間徘徊進退案占曰牛女揚州分是後兩都傾覆而元帝中興揚土同上

孝武太元十三年四月廣陵高年閭嵩家雌雞生無右翅同上

按舊志作十二年誤

續志考正宋書作高平當是村里之名

安帝隆安五年正月太白晝見自去年十二月在斗晝見至於是月乙卯案占災在吳越其年孫恩遣別將攻廣陵殺三千餘人 同上

義熙五年九月己丑廣陵雨雹

宋書五行志

魏高宗太安三年十一月熒惑犯房鈞鈴星是謂強臣不御王者憂之至四年正月日入太微犯西蕃三月又犯五諸侯占曰諸侯大臣有謀反伏誅者是月太白犯房月入南斗皆宋分占曰國有變臣爲亂十一月長星出於奎色白虵形有尾蹟旣滅變爲白雲奎爲徐方又

魯分也占曰下有流血積骨明年宋兖州刺史竟陵王誕據廣陵作亂宋主親戎自夏涉秋無日不戰及城陷悉屠之 魏書天象志

宋文帝元嘉十七年四月丁丑甘露降廣陵永福里梁昌季家南兖州刺史江夏王義恭以聞 宋書符瑞志

張仲舒爲司空居廣陵城北以元嘉十七年七月中晨夕間輒見門側有赤氣赫然後空中忽雨絳羅於其庭廣七八分長五六寸皆以箋紙繫之紙廣長亦與羅等紛紛甚駛仲舒惡而焚之猶自數生府州多相傳示張經宿暴疾而死 劉敬叔異苑

元嘉十八年六月甘露降廣陵孟玉秀家樹南兖州刺

史臨川王義慶以聞 宋書符瑞志

元嘉十九年二十年南兖州旱 宋書五行志

元嘉二十一年白燕見廣陵南兖州刺史廣陵王誕以

獻 宋書符瑞志

元嘉二十五年廣陵有龍自湖水中升天百姓皆見 同上

元嘉二十五年八月壬子白燕見廣陵城南南兖州刺

史徐湛之以聞 同上

元嘉二十八年七月戊戌嘉禾生廣陵邵伯埭兖州刺

史王義恭以聞 同上

續志考正江夏王義恭脫江夏二字似以王屬姓矣

元嘉中臨川王義慶在廣陵有疾白虹貫城野麇入府

南史本傳

孝建三年六月癸巳白麇見廣陵南兖州以獻 冊府元龜

孝武帝大明三年三月辛卯白鹿見廣陵新市太守柳

光宗以聞 同上

大明三年遣沈慶之討廣陵王誕五月十九日夜有流

星長十餘丈從西北來墜城內七月二日城破死者數

千人初誕鎮廣陵將入城衝風暴起揚塵晝晦又嘗中

夜閑坐有赤光照室見者莫不駭愕大明二年發人築廣陵城誕循行有人於輿揚聲大罵曰大兵尋至何以辛苦百姓誕使執之問本末答曰姓夷名孫家在海陵天公與道佛先議欲燒除此間人道佛苦諫強得至今大禍將至何不立六愼門誕問六愼門云何答曰古有言禍不過六愼門誕以其言狂悖殺之又五音士忽狂稱見鬼驚怖啼哭曰外軍圍城城上張白布帆誕執錄二十餘日城陷之日雲霧晦暝白虹臨北門亘入城內

南史本傳

大明三年六月入南斗占曰大臣大將軍誅南兖州

刺史竟陵王誕尋據廣陵反遣沈慶之領羽林勁兵攻戰及屠城城內男女道俗梟斬靡遺將軍宗越偏用虐刑先剗腸抉眼或笞面鞭腹苦酒灌創然後方加以刀鋸大兵之應也 宋書天文志

大明四年五月辛巳白雀見廣陵侍中顏師伯以獻 宋書符瑞志

明帝泰始元年二月丙寅揚州淮水清潔有異於常州治中從事張緒以聞 冊府元龜

南齊武帝永明中南海王子罕為南兖州刺史有麀入廣陵城投井而死又有象至廣陵是後刺史安陸王子

敬于鎮被害

南齊五行志

北齊天保中辛術鎮廣陵獲傳國璽送鄴文宣

舊志作文襄誤

以璽告於太廟北齊書本傳

此條舊入雜志按冊府元龜所載如靈邱曲

阿樂安鄴城新城上谷雍州長安鉅鹿所獻

玉璽俱列祥瑞則此條未應略而不書也

陳大建十一年春正月丁酉龍見於南兗州永寧樓側

池中陳書本紀

隋煬帝大業十一年幸江都作五言詩曰求歸不得去

真成遭箇春鳥聲爭勸酒梅花笑殺人帝以三月被弑

卽遭春之應也

文獻通考

煬帝令江都郡丞王世充發淮南兵擊劉元進有大流星墜於江都未及地而南逝磨拂竹木皆有聲至吳郡而落於地元進惡之令掘地入二丈得一石徑丈餘後數日失石所在太平御覽

齊王暕從幸江都具法服將朝無故有血從裳中而下又坐齋中見羣鼠數十至前而死視皆無頭暕意甚惡之俄而化及作亂暕及二子遇害隋書

大業十三年五月辛亥大流星如囊墜於江都占曰其下有兵戰流血破軍殺將六月有星孛於太微五帝

座色黃赤長三四尺數日而滅占曰有亡國有殺君明年三月宇文化及等殺帝也十一月辛酉熒惑犯太微日光四散如流血占曰賊入宮主以急兵見伐又曰臣逆君明年三月化及等殺帝諸王及幸臣并被戮隋書義寧元年帝在江都宮龍殿馬無故而死旬日至數百匹同上

按舊志作二年誤

唐高祖武德七年河間王孝恭征輔公祐於淮揚宴羣帥於舟中孝恭以金盃酌江水將飲化爲血孝恭曰盃中之血公祐授首之兆集異志

太宗貞觀九年十二月揚州獻白雀

冊府元龜

武后垂拱元年九月丁卯揚州地生毛

唐書武后紀

睿宗唐隆元年六月丙午揚州上吉慶雲白雉見

冊府元龜

明皇開元三年有熊晝入揚州城

唐書五行志

開元七年揚州奏一角獸見

同上

開元九年七月丙辰揚州暴風雨發屋拔木

同上

開元十九年四月揚州奏穠稻生二百一十五頃再熟

稻一千八百頃其稻與常稻無異

文獻通考

開元二十一年十月戊申揚州奏獲毛龜其色青

冊府元龜

天寶十載八月乙卯廣陵海溢

唐書元宗紀

天寶十載廣陵大風

唐書五行志

按舊志下有駕海潮云云未見唐書

肅宗上元二年有鼉聚於揚州城門上節度使鄧景山

以問族弟珽珽對曰鼉介物兵象也

同上

代宗永泰八年十月庚戌揚州上言芝草生

冊府元龜

貞元七年揚州旱

唐書五行志

元和七年揚州旱

同上

太和八年三月揚州火燔民舍千區十月揚州市火燔

民舍數千區

同上

開成元年六月揚州呂明齊家馬生角長一寸三分

同上

開成二年夏旱揚州運河竭

同上

開成四年十二月丁丑晦揚州市火燔民舍數千家

同上

六朝雜記按新志作二年為甚旱頗異善哉世間難遇

光啟二年揚州雨魚

同上

光啟二年四月有白氣頭黑如髮自東南入於揚州城

同上

光啟二年淮南蝗自西來行而不飛浮水緣城入揚州

府署竹樹幢節一夕如剪繙幟畫像皆嚙去其首撲不

能止旬日自相食盡

同上

按新志作元年

光啟二年九月有大星隕於揚州府署延和閣前如雷
光燄燭地 同上

光啟三年揚州大饑斗米萬錢 同上

吳王稱號淮海時廣陵殷盛士庶駢闐忽一夕有黃冠
道人狀如疾狂持一竿上挂一木刻為鯉魚形自云鐘
離人也行歌於市曰盟津鯉魚肉無角濠梁鯉魚金刻
鱗盟津鯉魚死欲盡濠梁鯉魚如為人又云橫排三十
六條鱗箇箇圓如紫磨金為甚竿頭挑着走世間難遇
識魚人其他如此意者凡數十篇時人莫能曉歲餘忽
不知所之其後武義年中江南謠言有東海鯉魚飛上

天之語及烈祖受命復姓李氏立唐社稷其言乃驗 鈞

立南唐昇元元年十二月己卯朔日有虹二 馬令南唐書

昇元二年三月壬子日有白虹二壬申大星流於西方

同昇元六年春正月甲子月犯填星退行在畢都下大水

秦淮溢東都火焚數千家 陸游南唐書

六月庚午大蝗自淮水蔽天而來辛未命州縣捕蝗瘞

之 同上

保大十一年六月不雨井泉竭涸淮流可涉 同上

保大十五年十二月東都大火一日數發

同上

按馬令南唐書徐知誥以天祚三年十月受

吳禪改元昇元以廣陵為東都右六條俱屬

廣陵者舊志並缺

徐溫子知訓在廣陵作紅漆柄骨朶選牙隊百餘人執

以前導謂之朱蒜天祐末廣陵人競服短袴謂之不及

秋後十三年六月知訓為朱瑾所殺焉則朱蒜不及秋

之應也

青箱雜記

壬子癸丑間有狂人遍揚市詬罵士人曰待顯德三年

總殺之又曰不得韓白二人殺之無噍類俄而周改元

顯德三年遂入淮南時韓侍衛令坤白太師重遇並為

戎師帥將屠城而二公戰兵揚人得過江而南者尤眾

悉如狂人之言

五國故事

周師未南征時淮南市井小兒普唱曰檀來也人頗怪

之及揚建春門有鼉而俗謂之檀出於水次眾以為應

矣未幾周軍入先鋒騎兵皆唱蕃歌其首句曰檀來也

方明其兆

同上

宋太祖乾德二年五月揚州暴風壞軍營舍凡百區三

年六月揚州暴風壞軍營舍及城上敵棚

宋史五行志

高宗建炎二年十一月高宗在揚州郊祀後數日有狂

人具衣冠執香爐攜絳囊拜於行宮門外自言天遣我為官家兒書於囊紙刻於右臂皆是語鞠之不得姓名高宗以其狂釋不問明年二月金人犯維揚同上

李應山開淮閩於維揚一日午後忽見天裂其中軍馬旗幟無數始焉皆紅旗繼而皆黑旗凡茶頃乃合見者甚多次年北軍至浩然齊視聽抄

宋錢功云余自少愛維揚欲卜居自充守罷遂築室於揚亦既五年忽春深巢燕不歸竟以疑之默訪諸寺觀州宅皆不至不二年一城邱墟矣澹山雜識

建炎三年高宗在揚州二月辛亥早朝有禽翠羽飛鳴

行殿三匝一再止於宰臣汪伯彥朝冠冠尊服飛鳥踐

之不祥翠羽又青祥也劉向以為野鳥入宮宮室將空

一日敗亡之應是月金人入揚州有倉卒渡江之變宋史

天文 紹興二年五月揚州旱三年揚州大旱宋書五行志

孝宗淳熙二年揚州饑同上

淳熙三年揚州旱同上

淳熙八年正月揚州火宋史本紀

淳熙九年七月淮甸大蝗真揚泰州窘撲蝗五千斛宋史

五行

清熙十六年三月揚州桑生瓜櫻桃生茄此草木為妖也同上

光宗紹熙三年揚州旱饑同上

紹熙五年八月揚州獻白兔侍御史章穎劾守臣錢之望以孽為瑞占曰國有憂白喪祥也是歲光宗崩同上

寧宗慶元六年揚州乏食同上

理宗紹定四年江都縣北招賢鄉有鳳凰來儀因名其地為鳳凰林舊志

度宗咸淳九年十一月辛卯黎明有虎入於揚州市毛色微黑都撥發官曹安國發良家子弟數十人射之制

置使李庭芝占曰千日之內殺一大將於是齷其肉於城外而厭之宋史五行志

恭帝德祐元年五月壬申揚州禁軍民毋得畜犬城中殺犬數萬輸皮納官同上

德祐二年正月揚州饑三月揚州穀價騰踊民相食同上元世祖中統元年夏四月維揚火人屋燬盡郝文忠陵川文集鏡

蘇亭記

續志考正中統元年為宋理宗景定元年宋紀是年揚州大火今列之于元年代失次時揚正屬宋未合舍正史而徵集部也

至元十八年二月揚州火發米七百八十三石賑被灾之家元史本紀

至元二十二年六月揚州進芝草同上

至元二十九年六月揚州大水元史五行志

成宗大德三年七月揚州淮安蝗在地者為鶩啄食飛者以翅擊死乃禁捕鶩續文獻通考

大德五年八月江都縣蝗同上

大德八年九月揚州饑元史五行志

大德十年十一月揚州饑同上

仁宗延祐六年四月揚州火燔官民廬舍一萬三千三

百餘區同上

英宗至治元年七月江都縣蝗同上

至治二年四月揚州火同上

至治三年十月揚州江都縣火元史本紀

五年九月揚州江都火燔四百七十餘家元史五行志

文宗天歷三年五月汴梁河水溢江都續文獻通考

順帝至正壬辰江淮蘆菽多為旗鎗人馬之狀節間折

開有紅暈成天下太平四字草木子

至正丙午丁酉間揚州兵火之餘城中屋址遍生白菜

大者重十五觔小者八九觔有替力人所負纔四五顆

耳續文獻通考

明太祖洪武己酉夏四月揚州獻瑞麥二申野錄

洪武六年揚州饑明史稿五行志

永樂十七年二月揚州地震同上

正統二年揚州府四五月連雨河淮泛漲漂居民禾稼同上

景泰五年六月揚州大風雨七月揚州大水同上

景泰七年六月揚州大旱蝗同上

天順間揚州有民婦一產五男至成化間以爭財訟於巡撫申公異而遣之續文獻通考

天順七年五月淮揚大雨腐二麥明史稿五行志

成化三年丁亥四月黑管起自揚州已到蘇州計秋及杭州也一路人情洶洶間有遭之傷而無血止流黃水家家夜睡擊鉦鼓驅逐揚州等處奸惡者遂乘時丹青塗面披毛衣十指冒鐵爪嚇居人走避上樓竊貨物魏備

聞見小史

成化十二年八月淮揚大水明史稿五行志

成化十九年揚州饑同上

宏治四年夏揚州蝗同上

宏治十二年八月揚州地震同上

宏治十七年淮揚饑人相食 同上

正德九年淮揚旱

正德十年揚州大雨彌月漂室廬人畜無算是年淮揚

饑十四年淮揚復饑十五年淮揚旱 同上

正德戊寅冬武宗幸揚州立春日滿城桃李盛開從官

奏瑞者不一 西樵野記

嘉靖元年揚州大風雨雪河水泛漲溺死人畜無算 明史

稿五行志

嘉靖二年七月揚州大水 同上

嘉靖八年淮揚饑 同上

嘉靖三十三年揚州旱 同上

萬曆三年八月揚州大水 同上

萬曆十八年庚寅八月揚州大旱下河菱葑之田赤地

如焚有黑鼠無算逐遺葑田食根至盡葑土墳起一經

野燒悉成灰土比之牛耕其功百倍時謂之鼠耕 二申野錄

萬曆十九年十月揚州風雨連日湖淮漲溢決邵伯隄

五十餘丈 明史稿五行志

萬曆三十三年八月揚州天鳴如潮怒起者六日 同上

萬曆四十四年七月揚州蝗是月淮揚諸郡土鼠千萬

成羣夜啣尾渡江絡繹不絕幾一日方止 同上

天啟癸亥二月揚州地震有聲一申野錄

崇禎六年淮揚洊饑明史稿五行志

國朝

世祖皇帝順治十一年夏五月有龍現空中雲成五色光華照耀識者以為太平之瑞

聖祖皇帝康熙十九年江都縣四郊麥秀兩歧有多至三四穗者自是連歲豐稔

三十八年六月河決邵伯河臣郎時堵塞民得安居四十六年

聖祖南巡揚城居民錢氏堂前黃楊樹枝生連理至今茺茂

皇上乾隆二年十二月初六日瓊花觀新建文昌殿上樑之

頃桂花香徹觀內外經卯辰二時不散太守高公載入祠記

三年六月甘泉山居民蔣國泰妻蘇氏一產三男齊生題請

恩賚

以上原志

前志采錄本之歷代五行志者為多董江都條對災異或滋附會今特紀其大者其于日星雲物之變一草木之微悉從略焉

乾隆七年水

二十年水

二十四年水二十五年水二十六年水

三十三年旱

三十九年旱四十年旱

四十三年旱

五十年大旱

嘉慶九年十年十一年水荷花塘口決

謹按我二氏時六日與非則源數文昌與土對之

國家湛恩汪濊每遇水旱偏災蠲貨賑恤有加無已今甘

泉黎庶其沐

深仁而得長養以無窮者皆

朝廷之賜也故系年列敘其銀米輕重多少之差因時遞別

不復瑣述

以上續志

道光二十九年秋大水江湖並溢

咸豐六年五月至八月大旱運河水竭

十年秋大水小六堡漫口

同治五年秋湖水盛漲決清水潭

十一年夏大水

十二年秋大水

十三年夏大水

以上府續志

光緒六年夏秋大旱西鄉尤甚邑令桂正華詳停六集之徵接濟口糧散給籽種收當耕牛

以上新增

泉零煎其水

國家恩玉露每歲水旱則災隨資潤而育也無古今甘

增修甘泉縣志卷二

甘泉縣知縣吳鄂峙 張宏運 王熙泰 原纂

甘泉縣知縣陳觀國 揚州府教授李保泰續輯

甘泉縣知縣徐成敷 桂正華 朱公純 增訂

形勝志

淮海惟揚州 尚書禹貢

續志考正甘邑既附郭其形勝皆合揚郡言之有古九州之揚有後一郡之揚又有一郡先後分合隸屬之揚且有累代大一統之揚及六朝南宋偏據時之揚前志一概徵引羅列後人論述大約語

意均不免重複非甘邑所得專內詩話總龜揚子
橋一條尤顯非甘境也

北據淮南距海 尚書孔傳

漢都長安而以江淮東南邊為奉地 賈誼新書

揚州保疆三代要服 史記

枚乘曰左江右湖其樂無有此吳客說楚公子之辭當

謂江都之野 謝康樂山居賦自注

魏文帝曹丕以舟師擊吳登廣陵故城臨江觀兵見波

濤洶湧嘆曰嗟乎固天所以限南北也 通鑑綱目注

瀾迤平原南馳蒼梧漲海北走紫塞雁門拖以漕渠軸

以崑岡重江複關之隩四會五達之莊 鮑參軍集

控接三齊青兗同鎮土甚平曠與京口相對又曰西至

淮畔東屆海隅 南齊書州郡志

禹貢淮海之域職方東南之奧產金三品財利萬室控

荆衡以沿泛通夷越之貨賄四會五達此為咽喉 權文公集

揚州實吳楚一大都會也政令煩挈貢奉策沓 柳柳州文集

淮南之地提封千里徵令百役稅足以食賦足以兵以

寬征之則安淮南之衝南走閩越北通幽朔關梁不閉

朝聘相望以歡交之則固 唐文粹

堂邑東嶺廣陵西巖背淮面江倚山枕壑 文苑英華

倚海塹江淮深津橫岡備守艱險

樊川集

遶統江淮為一都會

元和郡縣志

江左大鎮莫過荆揚

通典

廣陵大藩四海都會今制度之盛雄視諸侯

騎省集

揚州為九州之一地總淮海扼制吳會前代建府之重

東南為冠

安陽集

揚古今大都方伯所治

荆公文集

揚州掌節制淮南十一郡之地自淮南之西大江之東南至五嶺蜀漢十一路百州之遷徙貿易之人往來皆出其下舟車南北日夜灌輸京師者居天下之七

長興集

西北極淮東南距海江湖之間盡有其地

淮海集

揚州古都會也枕江臂淮與益部號為天下繁盛故古以來節鎮首稱揚益焉

王觀賦序

維揚合肥兩淮之根本

真西山集

六路轉輸五塘蓄洩東南趨赴之要衝也

宋文鑑

揚為州最古南傳海北接淮井而方之蓋萬里後世華離瓠析殆且百郡獨廣陵得鼎其名故常稱巨鎮有揚一益二之語他方莫之與京也

洪邁平山堂記

據江海之會握襟帶之藪

狄遵度修海隄祭文

東盡漣海北控宋永

秋崖集

長淮之東地多堆阜揚居南北之衝

攻媿集

偉赤社之會都滋黑壤之饒沃

張問瓊花賦

葉適曰三國孫氏以江北守江

通鑑綱目

趙范曰揚州者國之北門一以統淮一以蔽江一以守

運河豈可無備哉

宋史本傳

揚州影帶諸夷氣吞吳會實京師之門戶燕趙關陝之

喉舌

紹熙廣陵志

南臨大江北界淮泗東接揚楚西控滁濠實當水陸之

要衝江淮一都會

嘉泰廣陵志

江淮咽喉承平為繁華之會多事為馳騫之衝

寶祐維揚志

唐制鹽鐵轉運使在揚州盡幹利權商賈如織故諺稱

揚一益二謂天下之盛揚為一而蜀次之也

同上

自淮而東以楚泗廣陵為之表則京口秣陵得以蔽遮

自廣陵而抵淮陰此全淮之右臂也

山堂考索

長淮都會南躡距海之澚北壓長淮之流俯江湄瞰京

口門戶嚴謝元無後顧之憂藩籬固祖述有前進之勢

玉海

揚子橋介於江淮之衝南之瀟湘北走秦隴咸此取道

詩話

揚為會府

黃文獻公集

盤盤廣陵淮海攸經 雪樓集

國家以揚州之域介江南北而以其南隸浙西北隸河南壤地千里魚鹽稻米之利擅於東南為天下府庫 滄集

集

揚為南北要衝穹官顯人往來無虛日富商大賈居積財貨之淵藪 說學齋稿

背淮腋湖面大江而履平楚彌數百里 翠屏集

揚為淮海奧區密邇畿甸 南齋先生摘稿

江都乃揚之屬邑當南北之衝據江淮之會帆檣鱗集

車馬輻輳閭閻櫛比 張文僖公集

淮者江之障蔽守淮而後能保江 椒邱文集

廣陵襟帶南北一大都會與神京參重迨漢而吳主鑄山煮海富甲天下揚遂以饒名後世因之以為脂國 蒼霞草

揚州其地面大江而負山 皇甫湜集

儀真之東鎮江之北有揚重鎮在焉 周宏祖建康論

漕輓津會南北襟吭攸寄又陪都之屏輔焉 洞麓堂文集

淮揚為運道要衝則當為國家血脉之慮 劉堯誨秦疏

維揚一郡南接大江東臨巨海燕薊門戶漕運咽喉倭

奴一水可通係江北第一險要之關 無夢園集

襟帶江海縮轂黃淮古來號為重地以其控制南北為天下樞也

陳孟常文集

魯渙曰淮東控扼有六一曰海陵二曰喻口三曰鹽城四曰寶應五曰清口六曰盱眙而皆以揚州為根本

勝名集

劉展曰江淮租賦所出今之重任

通鑑綱目

揚州水陸衝煩

明職方地圖

陸集輪蹄水連梯航騎騷供帳無虛日

輿地廣圖

明初北收揚州不特唇齒攸寄亦即以包并淮南也都燕之日轉輸特重揚州為之咽喉

明一統志

東南佳麗江淮都會其山鎮曰甘泉曰城子

記纂淵海

淮海地形起自東南蓼角嘴抵姚家蕩延袤三四百里其要害為通州狼山掘港新閘廟灣劉家河金沙場而

廟灣通大海口更為重鎮其次為新港及北海所

目營小輯

財賦所出以江淮為淵

唐書第五琦傳

廣陵古揚州之域北抵淮東距海南濱大江實維留都股肱夾輔要衝之郡兩京諸省官舟之所經南北朝覲貢道之所入鹽舟之南邁漕米之北運謂之江淮都會信矣

玉笥生集

守淮者不於淮於徐泗守江者不於江於兩淮

亭林文集

淮南雄鎮莫若揚州及高駢擁節自雄外成巢溫之毒
內釀畢呂之禍揚行密收其餘燼猶能并孫儒却朱溫
繕兵積粟固保江淮沿及南唐尙爲強國讀史方輿紀要
北抵淮泗西接滁濠南界金焦東盡海壖幅員不及千
里然固江淮之間一都會也郡西地多岡阜綿亘相屬
若起若伏高寶諸湖受西山汊澗匯爲巨浸以射陽湖
廟灣爲委控引淮河與海通波遵海而南諸鹽場所基
布捍以隄堰以防潮汐兩淮鹽筴是之自出大江奔汨
迄與海會鹹炎所分迴瀾觸搏奇恂變怪又卹然足以
駭矣通之五山狼福對峙實長江門戶而江左南徐諸

山若拱若揖隱然爲江北壯觀若夫舟檣櫓比車轂鱗
接東南百萬漕艘浮江而上此爲隘吭萬曆揚州府志

維揚內阻江海之險南引荆襄吳越北連青徐而西護
陵寢至要劇至繁重也同上

古揚州之域東南盡吳楚百粵廣輪幾萬里而揚州特
一郡耳而江都又附郡一縣其眎古渺乎微矣然據全
揚之形勝則東際滄溟南襟大江北帶長淮蓋東南一
大都會亦許許乎稱雄哉萬曆江都縣志

以上原志

地理志

大橋會亦在甘泉縣界
縣之西界與廣西界
一橋在兩山間又橋在
古廣陵之東東南盡吳故
刻窰至要陳至業重也
縣內田為蕪之劍南曰隄
東南南百萬畝縣界而土
山皆其皆賦烈然為北

十里疆域志 東對揚州府郭與江都分理皆古廣陵縣地

甘泉縣附揚州府郭與江都分理皆古廣陵縣地

按雍正九年五月兩江總督尹繼善疏言揚

州府之江都縣路當衝要事務殷繁附居府

城幅員遼濶應增設一令分疆而理於地方

甚有裨益

皇上可其奏遂析江都縣之舊城府東分與甘泉縣管理府

西分與江都縣管理新城自小東門外至缺

口門南歸江都縣北歸甘泉縣其邵伯上官

二巡司并邵伯驛歸甘泉縣管轄瓜洲萬壽

二巡司并廣陵驛歸江都縣管轄至二邑田畝疆域按順道途詳酌肥瘠各照分定界限以專責守

欽定甘泉縣名鑄給印信於雍正九年十月增設一令與江都縣同附郭

甘泉縣附府城其地東半里至小東門城外接江都縣界南半里至南門城門接江都縣界西六十里至大儀集接泗洲天長縣界北七十五里至露筋鎮接高郵州界東南三里至缺口門即通濟門接江都縣界西南九十里至移家集接儀徵縣及江甯府之六合縣界東北

九十里至永安鎮接高郵州界西北七十里至火燒集接泗洲天長縣界東西通計六十里有奇南北計七十五里有奇以西南東北四維計之殆百八十里百六十里焉距京師二千二百七十五里距江蘇等處布政使司四百二十里

甘泉縣區圖雍正十一年定為五區

一區領圖十一 在一圖 在一圖 在一圖 在一圖
邵二圖 邵三圖 大六圖 南一圖 邵一圖

二區領圖十一 在灣一圖 瓜一圖 瓜三圖 瓜
五圖 善一圖 瓜一圖 善二圖 瓜中一
圖 河二圖 河三圖 河八圖 豐一圖

三區領圖十豐二圖 豐六圖 豐三圖 豐七圖 豐四圖 豐五圖

圖 大三圖 大四圖

四區領圖十豐大五圖 艾四圖 艾一圖 艾五圖 艾二圖 艾六圖 艾三

仙一圖 仙三圖 仙四圖

五區領圖十艾仙五圖 仙六圖 八元一圖 元

青三圖 青五圖 官二圖

明陸弼云都里之設也凡邑之賦斂徭役以迨百費罔不倚辦焉故元結圖九疑曾詢記句曲專志一鄉以屬公家者重也夫積里為都積都為縣都里豐耗縣之盛衰所係有民社之寄者可無軫念乎哉萬歷縣志

鄉鎮

邵伯鎮在縣北四十五里洪武元年巡檢張仁開設邵伯埭今為邵伯鎮置巡司於此邵伯驛亦在焉為水陸孔道方輿紀要

紹興三十一年金主亮南侵以劉錡為江淮浙西制置使引兵屯揚州金人以檀裹船載糧而來錡使善沒者鑿沉其舟自楚州退軍邵伯鎮宋史本傳自邵伯埭以南地勢皆高亢連亘凡數百里岡阜淮之不能合於江者勢也讀史方輿紀要

鍾離瑾為江淮制置發運使置牖邵伯埭旁人以為

利 宋史本傳

建炎四年八月庚辰王德卲瓊以輕兵渡江敗金游騎於邵伯埭 去簡錄

尤表為泰興令問民疾苦皆曰邵伯鎮置頓為金使經行也使率不受而空厲民漕司輸藁桔致一束數十金二弊久莫之去乃力請臺閫奏免之 宋史本傳

黃珏鎮即黃珏橋在城北四十里屬邵伯巡司轄郡人指名曰北湖

宋元之季士大夫避地多於此今居人稠密塵市鱗次與江都東大橋鎮相等 雍正府志

上官橋鎮在城西六十里 書本傳

陳家集在城西六十里上官橋巡司駐此 白土丸去城

永安鎮在城東北八十里 書本傳

僧道橋鎮在城西北七十里即湖口橋屬上官巡司轄

大儀鎮在縣西七十里接天長縣界屬上官巡司轄

建隆元年九月己未淮南節度李重進以揚州叛遣

石守信等討之十月丁亥詔親征揚州次大儀 宋史本紀

建炎四年金人入寇韓世忠自鎮江提兵駐大儀伐

木為柵自斷歸路勒五陣設伏二十餘所約聞鼓即

起擊金前軍聶兒孛堇引兵趨江口距大儀五里別

將撻孛也擁鐵騎過五陣東世忠傳小麾鳴鼓伏兵四起旗色與金人旗雜出金軍大敗人馬俱斃遂擒撻孛也等二百餘人 宋史本傳

撻扒店在城西

宋淳祐元年八月北兵侵眞州淮東先鋒馬軍鄧涪

李海戰於揚州撻扒店 宏簡錄

白土戍在城西南

宋大明三年竟陵王誕據廣陵反詔沈慶之討之慮誕北奔使慶之斷其走路慶之乃營於白土戍去城一十八里夕進新亭 宋書本傳

新亭在城西北蜀岡上

桑里在城西南二十里

宋大明三年沈慶之攻廣陵宋主命爲三烽於桑里克外城舉一烽克內城舉兩烽擒劉誕舉三烽是也

宋書本傳

鋪

總鋪在府治東街 司兵十五名甘泉分派一半

甘泉山鋪大儀鎮鋪楚家鋪 在城西與天長接界

竹西亭鋪灣頭鎮鋪淮子河鋪邵伯鋪八塔鋪馬家鋪

三溝鋪腰鋪 在城北與高郵接界

按嘉靖萬曆諸志載城北通高郵界者有四里舖今為邵伯舖縣西北通天長界者舊止二舖今更置楚家舖

以上原志

宋大開三年...

不大城池志

吳將伐齊北霸中國自廣陵城東南築邗城城下掘深溝謂之韓江亦曰邗溟溝

邗溝城在州西四里蜀岡上 太平寰宇記

楚懷王十年城廣陵 史記六國表

漢高帝六年為荆國十一年為吳城即吳王濞所築也

水經注

吳王濞都廣陵築廣陵城周十四里半 後漢書郡國志注

黃初二年冬魏文帝行幸廣陵故城 三國志

續志考正己見世紀內又誤六年為二年

魏移郡志淮陰而以故城為邊邑

同上

續志考正已見沿革內

廣陵故城即府東之舊城

一統志

吳主亮五鳳二年使魏尉馮朝城廣陵

三國志

晉太和四年桓溫發州人築廣陵城移鎮之

晉書

續志考正

邗溝城楚懷王吳王
吳主亮晉太和

五條後古蹟內複見

晉滅吳廣陵郡仍治淮陰南渡還治廣陵太和四年桓
溫發徐兗二州民築廣陵城遂移鎮焉時兗州寄治廣
陵徐州寄治京口發此二州民以供役也

讀史方輿紀
要

宋大明元年竟陵王誕出為兗州刺史誕知見猜亦潛

為之備至廣陵因魏人入寇修城浚隍

南史

自齊梁以訖陳廣陵為南兗州守無異

寶祐維揚志

唐武德二年賊帥李子通自海陵率眾攻破州城遂竊
據之三年子通為杜伏威所破未幾伏威歸化故潤州
江甯縣置揚州以隋江都為兗州置東南道行臺六年
輔公祐竊號江南驅擁江北諸州毀撤宮殿盡過江南
城遂荒廢

太平寰宇記

乾符六年高駢自鎮海節度使徙淮南節度副大使繕
完城壘

唐書本傳

揚州舊有大城又有子城亦曰牙城揚行密據揚州改

牙城南門曰天興其後楊溥僭號稱為都城南唐又號曰東都 城邑攷

周顯德五年世宗復幸淮右次楚州遣韓令坤率兵先入揚州命權知軍府事揚州城為吳人所毀詔發丁壯別築新城韓令坤為修城都部署 宋史本傳

周克揚州之後顯德五年使韓令坤鎮之州故城西據蜀岡北抱雷陂以城大難守築故城東南隅為子城以治之而李重進復改築周城十二里 讀史方輿紀要

宋太祖遣六宅使陳思誨齎鐵券以安李重進之心重進欲治裝隨思誨入朝為左右所惑猶豫不決又自以

周室近親恐不得全遂拘思誨治城隍繕甲兵 宋史

高宗建炎元年九月命守城呂頤浩繕修城池 宋史本紀

二年十月命揚州潛隍修城 同上

紹興中郭埭知揚州以為故城憑高臨下四面險固初李重進始夷之而改卜今城相距二十里處勢卑溲虜來襲瞰易在股掌請即遺址建築無幾時役竣與舊城南北對峙中夾甬道疏兩濠緩急足以轉餉謂之大城

宋朝言行錄

紹興三十一年防禦使賈和仲知揚州朱夏卿諧於葉義問以和仲不職放廢朝廷遂以向子固知揚州於是

有修城之意破錢二十萬緡矣 宋史

莫濛出知揚州陛辭上以城圯命濛增築濛至州規度城圍分授諸將各刻姓名盤堞間懸重賞激勸閱數月告成 同上

孝宗乾道三年五月修揚州城淳熙八年閏三月修揚州城 同上

孝宗時殿前指揮王琪被旨按視兩淮城壁還揚州奏琪增築城已訖陳俊卿劾琪詐傳上旨 同上

光宗紹熙三年七月修揚州城 同上
嘉定間崔與之為權發揚州事主管淮東安撫司公事

寧宗宣引入內親遣之奏選守將集民兵為邊防第一事既至浚濠廣十有二丈深三丈西城濠勢低因疏塘水以限戎馬開月河置釣橋州城與堡砦城不相屬舊築夾土城往來為易以蹙 同上

崔與之重修城濠記守揚州登城臨眺形勢謂濠河湮陜褻裳可涉守禦非宜乃度遠近準高下程廣狹量深淺為圖請於朝許之河面濶十有六丈底殺其半深五分廣之一環繞三千五百四十一丈濠外餘三丈護以旱溝又外三丈封積土以限淋淤又廣地七丈以受土使與危堞不相陵復作甕城五門為月

河總百十七丈而南爲裏河又八十七丈西北曰堡
寨城周九里十六步相去餘二里屬以夾城如蜂腰
地所守左右尤淺隘浚之概如州城壕計七百三十
一丈且甃女牆以壯其勢外壕既深水勢趨下市河
涸不可舟有警芻餉難爲力又加深廣造輿梁五經
始於八年八月訖於九年九月工一百一十五萬四
百二十五費朝家緡錢三十四萬八千七百五十六
米石二萬一千八百四十七州家激犒爲緡錢五萬
一千六百節縮有道勸懲有章公私不以爲病菊坡集
理宗寶祐三年以賈似道爲兩淮宣撫使築寶祐城於

州城之北

宋史

寶祐城賈秋壑開闢日築申省狀云照得此城高深廣
袤無異一郡舊名堡城不當用旣廢之名今名寶祐城
是役也用軍三萬人日羹飯三頓支擔索屏屨等錢番
更將士民不知役五日小犒十日中犒一月大犒有違
令者以軍法從事重則處死賞罰必信無敢謹謹始於
寶祐二年七月十五日至三年五月二十日告成庶齋老學

談叢

宋理宗勅賈似道築寶祐城詔昔韓琦在秦州軍民
附城而居無所捍禦築外城十里西賊憚之卿久護

全淮向城寶祐城通州城東海外戶既綢繆矣今復增堡城以壯廣陵之勢朕披來圖包平山而瞰雷塘可以廣營屯便牧圍矣

宋史

始平山堂瞰揚城元兵至則構望樓其上張平弩以射城中李庭芝乃築大城包之

宋史

今之揚州秦為廣陵漢為廣陵郡揚州治所或在歷陽或在壽春或在建康廣陵皆非所統隋開皇初改為揚州即今寶祐城乃後周顯德五年於故城東南隅改築周二十餘里大市東南角俞生家穿井猶有船版路學採芹亭後開阡得岸椿杪羅木教授劉青溪取為器用

郡城因草塞河道平邱阜成街市理勢然也如開明橋之類皆因舊徙置

庶齋老學叢談

元至正十七年丁酉冬十月明太祖命元帥繆亨取揚州克之置淮海翼元帥府命元帥張德林耿再成等守之改揚州路為淮海府以李德誠知府事按籍城中僅餘居民十八家德林以舊城虛曠乃截城西南築而守之

明太祖實錄

城僅周九里千七百五十七丈五尺厚一丈五尺高倍之門五南曰安江北曰鎮淮西曰通泗東曰甯海亦曰大東

後改先春

又東曰小東各門有甕城內有盤詰廳

樓櫓警舖雉堞敵臺隍與城稱門外跨隍各設釣橋置
輓轡於門額南北有水門二引官河貫其中曰市河天
順七年淫雨城坍塌七百餘丈指揮李鑑營修嘉靖元
年巡鹽御史秦越重修楊果有記十八年巡鹽御史吳
悌知府劉宗仁以北水門久廢塞浚通之

萬曆揚州府志

嘉靖甲寅修維揚水關崔桐有記

同上

崔桐修水關記揚州舊制市有河城有關南冷淮海
之巨浸邗汴澗曲之支流咸會通焉河可以舟關可
以守凡以爲民也歲癸丑河南逆師於天紀甲寅倭
夷亦寇我中夏揚郡守自湖吳大夫完城簡旅百庀

豫飭檄江都某令曰關制故疏澗歲積且圯非所以
固吾圉也姑築諸旣而曰河久窒則日涇非所以利
民用也盍啟諸謀諸參戎張君恒喬君基新關以計
久遠揚父老羣焉相告曰守憂吾民夙夜勤劬實懇
懇矣胡復以瑣役煩長上供事趨工責在吾民員外
郎郝封君理謀諸光祿署丞坤曰父老之憂吾輩之
憂也胡可以勞百姓會材募工責在吾輩於是封君
首輸金五十光祿輸金七十太學何生正茂高生格
各輸金五十義授卞千兵哲曰諸君高誼哲所願也
督植効勤益金以昇有關是誠在哲於是裁其制俾

地修其具鼎志 卷之二
七
隘可守券以石俾堅不磨闢以板俾閉可啟重其門
俾險可恃翼以墻俾隙有補哲倍益金三百有奇撤
舊鼎新四關奕然郡守環而視之欣焉有喜色於是
官者私者車者蓄者負者肩者商者農者咸稱便哲
輩謂是役實利民捍害不可以無紀也問碑事於史
氏桐桐曰時有常變政有經權謀有遠近經以守常
權以通變守而不變則其倣近變而能通則為利博
是故今日之事寇不可虞時之變也閉關以守政之
經也舍圯而改圖權可遠也是役也觀上下之相親
政則可知己士民之競勸風則可采己工之經始夏

六月望告成則孟冬吉日翊哲以董作則衛知事俞

滂任勞焉 東洲集

嘉靖三十五年副使馬慎追倭於狼山敗之指揮鄧城
又敗之增築揚州東關城成 明世宗實錄

新城經始於嘉靖丙辰之二月時以倭變用副使何城

舉人楊守誠之議起舊城東南角樓至東北角樓周十

里計千五百四十一丈九尺高厚與舊城等樓五門七

南曰挹江鈔關在焉又南為便門 今日徐甯 東南曰通

濟 今日缺口 東曰利津 今日東關 東北又為便門 今日

便益 今日廣儲 西北曰拱辰 今日天甯 南

北卽舊城濠口爲二水門東南卽運河爲壕引水注之

嘉靖維揚志三十四年因倭寇薄城下知府石茂華令商民黃煥等於關外夜津橋下更造水關一重額曰通濟券以堅石闢以厚木是役也都御史陳儒御史吳百重門裏鍊以固防守

朋崔棟知府吳桂芳石茂華先後任其事何城有記萬曆

揚州府志

何城揚州新城記揚州外城成言言屹屹樓堞蔽虧

囊括萬家衿帶漕河以爲固甚盛舉也先是倭寇弗靖騷動東南郡守吳公自湖用不敏議謂揚介兩郡之間四方舟車商賈之所萃生齒聚繁數倍於昔又運司餘鹽銀獨當天下賦稅之半而商人實居舊城

之外無藩籬之限非捍衛計也置外城便時舉人楊守誠力贊其說遂請於撫院芹山陳公按院堯山吳公鹽院春洲崔公並下自湖計凡城丈合工與財當費銀二十九兩有奇通計銀四萬六千一百五十七兩括府藏止一萬六千兩有奇春洲公許借商鹽銀三萬兩足其費議始定芹山諸公並奏下工部覆奏詔悉如請是爲乙卯之冬適吳公有清源之命廟堂議以毅庵石公代初議城因於河而瀕河之地積爲居民之所占胥動浮言以惑有位議者恒以奪民業難其事公始至卽召外城之商民而諭之曰瀕河之

地稽往牒則官地也是豈汝可得而廬舍者耶今爲
城當悉歸於官永建乃家眾咸應曰諾於是瀕河之
廬舍一舉而皆撤基遂定又召商民而諭之曰城之
築也財可取於官顧力安能不借於民耶勞之所以
衛汝也眾復應曰諾乃括商民之堪事事者百八十
人俾任其役分地授工多寡惟稱其力先後緩急各
臻於理商民亦各視工授之多寡以領財於公以召
工市甓而良工堅甓各自四方至遠或四五百里甫
就工四月五月遭倭寇亂民並求生不遑事事六月
寇始退外城蕭條百八十家多遭焚劫者公又爲拊

循而佐翼之於是商民奮庸無不奔走而就事以後
爲葺逮十月而工成起舊城東南隅而東而北而西
及舊城之東北隅止約一十里爲一千五百四十一
丈九尺中建爲門者五便門者一樓稱是爲水門者
二敵臺十有二是役也經始於丙辰之二月至十月
而迄工纔九閱月中經倭寇之變者三月計實止六
月耳且令不煩而民弗擾百姓見城郭之完不知財
之所自出見徒役之蟻集不聞徵調之自於何所也
濟大事者古及今有如此之神速而鎮靜者耶蓋公
本以濟世之才達經權之理剛不吐柔不茹勞於求

人而逸於治事得百八十人則人各事其事何往而非公之事公特稽其勤惰而已此古聖無爲之道也丁巳夏倭復犯揚州遙望外城巍然岸高池深遂不敢近城下相率而來者無不得所寇退各返其業今居民鱗次在前歲爲灰燼者悉煥然爲棟宇人物熙熙商賈猶復聚於市少者扶老羸壯者任戴負與夫美衣衍食之人猶復溢於途風晨月夕歌鼓管籥之聲猶復盈於耳絃歌誦習在鄉塾者無處不然與未遭寇亂時無異而余歲時復得從鄉社諸老席於賓筵之末聽鄉樂之歌飲獻酬之酒夜則頽然就寢無

復移家之慮顧無城安有此樂耶夫樂其樂而利其利不知其功者匪情也揚卿大夫士咸相與議伐石屬余撰記以詔揚後之人使凡安於閭里得以樂生而送死者皆知我毅庵公之澤不可泯公諱茂華字君采號卽毅庵山東益都縣人嘉靖甲辰科進士守揚善政種種當紀此特就築城一事言之云若將毅庵公之命以宣布於下則有揚州衛經歷張時見江都縣主簿楊長春泰興縣主簿董邦教高郵衛知事王登皆與有勞焉故併紀其姓氏

雍正江都縣志

石隄二十五年知府郭光知縣張甯復申發軍餉登石
濠未竟者四百餘丈增敵臺一十有六而郡城屹然足
恃矣

萬曆揚州府志

崇禎十一年鹽法太監楊顯名累土為外城工未及成
又委守備樊明英增修鈔關月城

國朝順治四年江都縣知縣郭知遜重修十八年江都縣
知縣熊明遂重修城牆臺舖雍正四年江都縣知縣王
元穉重修廣儲門城樓七年江都縣知縣陸朝璣重修
鎮淮門城樓九年五月兩江總督尹繼善題請析縣奉
旨允行遂以舊城府東分與甘泉府西分與江都新城自小

東門外至缺口南歸江都北歸甘泉乾隆四年甘泉縣
知縣吳鄂峙領帑大修

按唐時揚州城西據蜀岡北抱雷陂其城甚
大夢溪筆談云揚州唐時舊城南北十五里
一百一十步東西七里三十步是也至周韓
令坤所築之小城及李重進改築州城俱在
唐城東南隅宋郭埭即唐城遺址築大城以
防敵謂之堡寨城又築夾城以通於州城謂
之三城元李孝光詩云風高鴻雁過三城是
也寶祐三年賈似道築寶祐城即大城也今

土人尚謂之堡城在蜀岡者是若今之府城
為張德林改築者乃截宋州城之半非大城
舊基也盛如梓老學叢談云後周改築周二
十餘里開明橋之類皆因舊徙置開明橋為
二十四橋之一係唐城內故橋徙置而仍其
名今橋在先春門內則今之府城即宋之州
城但宋時周二十里故在唐城東南隅明時
周九里故在大城西南隅疑張德林所截之
半即今之新城地耳若明陸君弼志云府城
即宋大城遺郭殊未詳考故為辨晰如左

市
東關市
南關市
北關市
河

在城市
東關市
南關市
北關市
河

東市
田家巷市
井巷口市
鈔關市

大東門市
小東門市
開明橋市
大平橋

市
東關大街市
埂子街市
緞子街市

新盛街市
轅門橋市
磚街市
徐甯門市

便益門市
缺口門市

坊表

先聖

禮門
義路
縣學門左右舊為興賢毓秀
縣學江甘合

曾修甘泉縣志 卷之二 城池

先賢

賢良方正 為漢劉瑜

高士 為漢孔融

仰止 在小東門內為明功臣
常遇春乾隆四年重建

官署

四蕃風紀 鹽院門外

同仁 澄清 鹽院左右

廉以補拙 公或生明 同上

維風勵俗 鹽院左

裕國籌民 同持衡法紀

整飭憲綱 乾隆四年重修

肅察 左 察院 箴度 右 察院

振肅 府東北新 察院左

激揚 府東北新 察院右

國計攸關 運司左舊 為足國

邊儲永賴 運司右舊 為裕民

我武維揚 教場

大科第

三元坊 宋呂溱王 昂李易

畫錦 進士 為謝涇 府東南

世榮 府為張冕 東南

鸚薦 府為卞嵩 東

橋梓傳芳 府為王經王漢父子 府前舊志江甘合

進士坊四 府為盧瀚郝成性曾銑方岑 府東大街

進士 為邱俊 南 梯雲 為鄭安 南

篤武 進士 為俞俊 北

折桂 進士 為馬岱 南

雙進士 為張溥張燾 太平橋東

傳桂 進士 為張銳 新橋東

冠英 軍為戴正 倉南

擢秀 為周承 鈔庫巷

鵬飛 為馬越 大東門內

賓賢 為高恒 小東門內

濟美 進士 為高銓 小東門內 明揚 為邵溥 小東門內

俊傑 進士 為徐昂 小東門內 進士 為王一陽 北門內

經魁 進士 為孫蕃 大東門外 登第 為俞斌 大東門外

文林 為孫信 東水關 步蟾 為施敬 東水關

經元 為袁富 東水關 文奎 為張福 東水關

進士坊二 為方天然 東水關 登雲 為靳璽 東水關

進士 為李紀 小缺口南 啟元 為周恕 西門外

武秀 為商清 北門外 翔鳳 為王儼 北門外

官職 大都憲 為高銓 府東大街 乘驄 為盧瀚 府東大街

廷尉 為曾銑 府東大街 尚書 都憲 併為王軌 府東大街

內外臺 為沙鵬 南門內 都憲 為葉相 西門內

邊城鎖鑰 為閣士 小東門內 旌表

孝子順孫 為大東門內 馬監巷 盡忠言事 為李植 府東大街

清白流芳 為李東大街 昇平人瑞 為仁豐坊 康熙五十八年

百歲 小東門內 為貞節 為張復 陞妻 吳氏 康熙二十三年

貞節 東關門內 為貞節 為張復 陞妻 吳氏 康熙四十一

貞節 大東門外 為貞節 為張復 陞妻 吳氏 康熙四十二

貞節 鹽院大街 為貞節 為張復 陞妻 吳氏 康熙五

貞節 乾隆二年為石守忠妻周氏在小東門外柳巷

孝子坊 在三元坊乾隆三年為故孝子高成琦

坊鋪

大儒坊 南柳巷 天甯坊 天甯門內 新興坊 北柳巷

懷遠坊 止馬橋 小東門頭鋪 北半界街

大缺口 街口內 文林坊 小缺口

馬軍營二鋪 左衛街 馬軍營四鋪 皮市街

馬軍營五鋪 興教寺前 馬監前 觀巷 關南頭鋪 東關大街

關南二鋪 田家巷 司前三鋪 運司前 菜園半鋪 便益門內

北倉前 便益門外 懷遠莊 虞健門外 東西兩園 天甯寺後

軍儲倉 府前街 太平坊 舊城粉張巷一帶 縉紳坊 舊城小東門內南閣樓

毓賢坊 通泗橋 三元坊 舊城府治東 北營坊 舊城雙井

第七鋪 大東門內 新橋東半鋪 南門內

新橋西半鋪 南門內西街 右所頭鋪 右所二鋪

右所三鋪 俱仁街 中所一鋪 大東門內 西門外頭鋪

西門外二鋪 崇慶坊 北門外大街

左南隅 右南隅 左北隅

右北隅 銀行街 米行街

牌樓街 大街 小街

新橋四通街 嘉靖江都志 行衙街 太平橋四通街

開明橋四通街 通泗橋四通街 城東南廂大街

城南廂大街 城西廂大街 城北廂大街

東水關四通街 文昌街 東半 新盛街

左衛街 北半 緞子街 北半 故衣街

天甯街 永盛街 大東門街

廣儲門大街 北門外大街 便益門大街

萬壽街 建隆寺前今名堂子巷 東關大街 南塞門巷

北塞門巷 張家樓巷 三清觀巷

五聖廟巷 太平巷 文樓巷

烏雞巷 牛氏巷 社壇巷

胡羊巷 堂子巷 新橋 馬草巷 府東大街

常府左巷 常府右巷 在小東門內明常遇春曾開府於此

董祠巷 運司巷 俱大東門外 達士巷

楊柳巷 左衛巷 俱小東門外 鹽務巷

大缺口巷 北半 小缺口巷 田家巷 俱東水關南

草巷 北缺口巷 葉家巷

小市橋巷 瓦屋徐家巷 俱北門外 西壇巷

二舖巷 俱西門外 明眞觀巷 南門內 晏公廟巷 小東門內

彌陀寺巷 大東門外街北 馬監巷 大東門外街南 古家巷 東水關

增修甘泉縣志 卷之二 城池

瓊花觀巷 馬監巷東 二郎廟巷 瓊花巷街北 建隆寺巷 北門外街東

觀風巷 大門內 三元巷 烏衣巷 鹽院街

蔡官人巷 大門內 粉張巷 即舊榆柳巷 壇巷 西門外

二巷 小東門內 小五巷 小六巷

小七巷 俱仁豐坊至 江家墩巷 天甯坊

劉家巷 徐家巷 顧家巷 俱便益門內

兜肚巷 便益門內 曹李巷 今名糙米巷 禾嘉巷 舊名火家巷

安樂巷 宏文巷 俱缺口門內 芍藥巷 俗名羊巷

明瓦巷 教場東 南柳巷 北柳巷

打銅巷 灣子上南首

按舊志所載揚州鎮市率多更易惟新舊兩

城之間月增而歲倍焉蓋以地當孔道百物

化居朝資夕販之夫晨往暮歸之子兼之厘

居鱗脊生齒日繁昔人比之櫛沐汴州視此

時景象更不知何若也 以上原志

乾隆十九年五月大雨彌旬城垣多倒塌者明年與江

都縣詳請領帑分修以後時加完葺多由鹽務撥

款

市河貫新舊城新城自天甯水門南至小東門外止故

城濠也舊城自鎮淮北水門南出安江門以至響

水開二河並隸甘境流惡蕩穢最宜通利而兩涯
列屋鱗比涓涓一綫隨浚隨淤僅達微波而已形
家之說以為有關郡中科名雍正壬子曾一大治
其秋邑人郭長源為解首明年陳倓連得會狀嘉
慶二年又一治之三年戊午黃承吉為解首張金
彪為武解首四年史致儼會試第一先後並獲三
元豈適會地靈以發之歟
街巷市舖猶昔也坊表則錄其新設者舊所有不
重載
縣署前東西兩坊 知縣繆廷玢立一日崑岡列障一日
刊水分疆

同知署前南北兩坊 半隸江都同知曹芝田立一日政
分琴鶴一日澤引江淮

鹽運司署前南北兩坊 舊志曰國計攸關邊儲永賴運
使會燠改為民生永賴

安定書院前東西兩坊 一日雲蒸霞蔚一日鳳翥鸞翔

百歲坊 在三元巷西口楊廷才妻馬氏嘉慶五年建

五世一堂 老壩橋許子德現年九十二歲

按向例無五世一堂之文今新奉

恩綸盛事不易得也于令亦得建坊故特附之舊城梁桂家五

世一堂以在江境不並錄 以上續志

同治十一年廣儲門損壞城磚十二年西門二道吊橋

橫木損爛十三年西門水關外城倒卸北門城樓後簷

城頭道城圈東西牆西門二道橋便益門西牆倒卸損
壞北門城牆倒卸打損兵房光緒元年天甯門東牆倒
卸便益門城內西城跟倒卸又橋梁柱損壞知縣馮譽
騏估修
光緒三年廣儲門東首城牆倒卸四丈餘尺北門頭道
城牆倒卸二丈四年小東門越城城頭倒卸西門城南
首倒卸水城臆裂寬十二丈高二丈三尺知縣徐成
敷估修
光緒七年兩淮鹽運使洪汝奎撥款兩萬六千緡全修
郡城工程堅固亦於是年籌款挑濬城河並修沿河一
帶泊岸及城外各門吊橋添造接官廳

以上新增

山山川志

橋渡附

平城設蔡清園圖八二十八

里土音續志考正甘之有山其名耳前志沿舊紀載不
能遽缺然多附會充數川則與城池河防水利
更多重複

崑岡山橫為地軸此陵交帶崑崙故廣陵也

河圖括
地象

按爾雅大阜曰陵此地自廬淶來重岡疊阜
逶迤數百里築城於陵上號廣陵城漢吳王
濞始更築城於陵下為國為郡為縣皆以廣
陵名之而郡縣新舊志皆不載其地豈以歷
代更名改置難實指其處耶而郡國志稱廣

增修山泉系志

卷之二

山川

陵以城置陵上一名阜岡一名崑岡方輿紀
要稱陵在府西北八里與蜀岡連接則實指
其所在矣唐韋應物廣陵詩曰雄藩鎮楚郊
地勢鬱岩崑可証也又河圖括地象曰正東
揚州曰信土崑崙山為柱崑崙山蓋即廣陵
而鮑昭蕪城賦曰軸以崑岡言柱言軸則廣
陵重矣冠之山首原始也

甘泉山在府西北三十五里大儀鄉高二十餘丈周二
里上有井甚甘故名 讀史方輿紀要

山上有七峰聯絡如斗平地錯落諸圓岡凡二十八

如列宿拱斗然

嘉靖維揚志

舊志云或謂厲王冢在此按郡國志云廣陵厲王胥
冢歲旱鳴鼓遶之輒致雷雨 雍正江都志

國朝乾隆七年知縣張宏運築靈雨臺於山上
張宏運靈雨臺記余治甘之明年以循視麥隴過甘
泉山益益晴暉四迎原野與村烟墟樹相掩映於遠
近之間而人風土俗蒸蒸然有近樸向古意余顧而
樂之與鄉之父老陟十餘丈而上盈視駭矚徘徊不
能去父老告余曰茲山錯落布置於平地而為園岡
者二十有八若列宿然蜿蜒聯屬矗起而為峯者七

增修甘泉縣志 卷之二
若斗然其上有井甚甘美此山之所以名而分邑亦以命名誠重之也又有進而言者曰廣陵厲王塚相傳在茲山上或旱甚鳴鼓遶之輒致雷雨余聞而尤異之然茲山之巍然特出視封內諸山若培塿信如斯言益以徵山靈之不爽余乃攝衣而上升極高之峯欲求王塚之所在不可得四顧徜徉豁人心目而西望愛敬之陂慨然想見魏太守陳公之遺愛於弗置今陂塘亦既爲膏腴矣而我

朝厚澤涵濡雨暘時若已無復雲漢之咏且河防水利講求備至其所以利濟斯民者何啻百倍於當年祈禱

之說應無所事然茲山之靈異若彼固大有造於吾民者使不有以表彰而興起之亦守土者之闕也爰於高峯中之深邃處爲築一臺命之曰靈雨蓋節取詩中靈雨旣零之意以志鳴鼓致雨之異焉夫有一邑之人物必有一邑之山川是皆能表靈異興雲雨以爲一方之利賴者則斯臺也旣以表茲山之靈亦可爲一時雩禱之所由是而歲取十千以仰答

聖天子惠保元元之至意或亦父母斯民之一道乎至於勞農稅駕與二三父老登眺流連尤不爲無助云

按封內諸山惟甘泉稱傑故縣以此名

盤古山在城西三十里西興鄉上有盤古墓俗呼廟山

新舊府縣志

昔盤古氏之死也頭為四岳目為日月脂膏為江海毛髮為草木秦漢間俗說盤古氏頭為東岳腹為中岳左臂為南岳右臂為北岳足為西岳先儒說盤古氏泣為江河氣為風聲為雷目瞳為電古說盤古氏喜為晴怒為陰吳楚間說盤古氏夫妻陰陽之始也盤古氏有墓俗云後人追葬盤古氏之魂也

述異記

續志考正見後塚墓內之志

北洋山在城西三十里萬歷縣志作白洋山

新舊府縣志

金匱山在城西七里善應鄉高十丈周二里

同上

山有仙人溝

梧溪集

馬鞍山在城西北三十五里大儀鄉高一十三丈周三

里狀似馬鞍故名

新舊府縣志

得勝山在城西北三十里大儀鄉高七丈周二十五里

同上

宋紹興初韓世忠敗金人於大儀還軍至此故名

方輿

紀要

席帽山在府城西北十二里與得勝山皆周二十五里而高不過數丈

方輿紀要

山在大儀鄉高七丈狀如席帽俗呼帽兒墩嘉靖維揚志

九龍山在城西南十五里豐樂鄉下接湖水府志

小金山在北門外

明葉相菩薩蠻詞小金山下荒墳路東風無力傷心

處偶喚小輿過羅衣暗濕多 望眼空凝伫惟見雅

啼樹悽悽重悽悽一輪紅日西

蜀岡在城西北四里一名崑岡鮑昭賦軸以崑岡謂此

上有井其脉通蜀曰蜀井新舊府縣志

蜀岡綿亘四十餘里西接儀徵縣界東北抵茱萸灣

全上有蜀井相傳地脉通蜀志云自邵伯埭以南地勢

皆高印連亘凡數百里岡阜淮之不能合於江者勢

也圖經曰州城在蜀岡之東南其城之東南北皆平

地溝澮交貫惟蜀岡諸山西接廬滁凡北兵南侵揚

州率循山而南據高為壘以臨之唐光啟三年楊行

密以畢師鐸之亂自廬州援廣陵軍於揚子並西山

以逼廣陵即蜀岡也既而行密克揚州蔡賊秦宗權

遣其弟宗衡等與行密爭揚州抵城西據廣陵故寨

即行密舊屯處周顯德三年克揚州南唐將陸孟俊

自泰州進攻揚州屯於蜀岡周將韓令坤懼而出走

會救至乃復入城蓋據蜀岡則斷周兵糧援之道令

坤懼走志云郡城之西北外土高於城垣敵者屯此恆有窺伺之意 方輿紀要

方輿紀覽曰舊傳地脉通蜀故曰蜀岡大觀圖經曰蜀岡今枕禪智寺即隋故宮寰宇記曰蜀岡有茶園其茶甘如蒙頂蒙頂在蜀故以名岡朱子曰岷山夾江兩岸而行一支去為江北許多去處又曰自岷冢漢水之北生下一支至揚州而盡洪武舊志曰揚州山以蜀岡為首嘉靖維揚志曰蜀岡上自六合縣界來至儀徵小帆山入境綿亘數十里接江都縣界迤邐正東北四十餘里至灣頭官河水際而微其脉復

其過泰州及如皋赤岸而止

雍正府志

宋蘇軾次韻伯固遊蜀岡送叔師奉使嶺表詩新苗未沒鶴老葉初翳蟬綠渠浸麻水白板燒松烟笑窺有紅頰醉臥皆華顛家家機杼鳴樹樹梨棗懸野無佩犢子府有騎鶴仙觀風嶠南使出相山東賢渡江弔狼石過嶺酌貪泉與君步徙倚望彼修連娟願及南枝謝早隨北雁翩歸來春酒凍共看山櫻然 東坡集國朝董道權遊蜀岡詩煬帝行宮付草萊茅郎遺廟蜀岡開當時錦纜隋天子不若從郎射虎回

按廣陵即崑岡崑岡即蜀岡而方輿紀要稱

廣陵在府西北八里志稱蜀岡在府城西北四里則兩地相隔尚數里也故並繫之

夾岡在府東北七里大儀鄉東接灣頭鎮淮子河口與蜀岡相屬 方輿紀要

獨岡在城西北四十五里彭城鄉以此鄉獨有此岡故名 雍正府志

浮城岡在城北二十八里豐樂鄉新城湖高二丈周四十餘丈 雍正縣志

駱駝嶺在開明橋其形寵窳如駱駝脊故名今儒學在其上 康熙府志

梅花嶺在新城廣儲門外一名土山明湛尚書若水甘泉書院故址也 雍正府志

明萬曆二十年秀水吳秀守揚州濬河積土而成也因樹以梅名梅花嶺緣嶺有樓臺池榭東西翼以諸

州縣公署統名之曰借樂園萬曆三十三年太監魯保重修知府朱錦作碑記當道檄毀之存其堂與樓

為諸生講學之所名崇雅書院今亦廢嶺前有明末史相國可法葬衣冠處 雍正江都志

明潘之恒梅花嶺詩茲城當暑遊茲嶺未隍陟浴地采芙蓉靚粧謝雕飾赤日布其威佳景若為匿甫觀

同心人招邀皆舊識標雲夕易陰立晷晝已昃亭亭
參青旻秋容呈好色山與隔江平水將高漢逼羈棲
念遠征萬里猶可即徵歌近吳趨作賦凌楚國睠此
習池遊追從如弗克 如江草

陸弼秋日同徐司理飲梅花嶺詩海上孤城隱暮笳

西風殘日滿蒹葭閣雲寒送岷峨色隍水秋連汴泗

斜趨府誰能容白幘開尊乍可對黃花墻東廢圃那

堪問釣帶空留子母瓜 梅花嶺故太守吳公所築 正始堂集

國朝吳嘉紀梅花嶺詩步出廣儲門見草不見樹陌頭
往來人遙指梅開處

蒙谷在城東北五里竹西亭之北 新舊府縣志

宋歐陽修蒙谷詩一徑崎嶇入谷中翠條紅刺罨春

叢花深時有人相應竹密初疑路不通 文忠公集

梅堯臣次韻詩茗園葱蒨與山籠一夜驚雷發舊叢

五馬留連未能去土囊深處路微通 宛陵集

鳳凰林在城北三十二里招賢鄉 新舊府縣志

宋紹定四年有鳳鳥至其地故名 同上

續志考正見前祥異內

今案城北無鳳凰林惟揚獸醫垣西有鳳子

嶺亦名鳳凰嶺

天心墩在謝司空寺前廣袤三畝許高二丈餘佛馱跋陀羅尊者譯經地旁有井曰青龍泉舊說唐明皇上元入月矚廣陵之盛解所佩玉玦墜地識之獲於墩上遂名以天心明嘉靖間築新城始隔拱辰門內

聖亭及尊者履淨華嚴之堂於墩上前巖院尹公會一為庵
記勒石

唐開元十八年正月望帝謂天師葉法善曰今夕何處最麗對曰廣陵帝曰何術往觀之師曰可俄而虹橋起殿前板閣架虛欄楯若畫帝步而上太真高力

士及樂官數人從行步步漸高頃到廣陵寺觀陳設之盛燈火之光照灼基殿士女鮮麗皆仰面曰仙人現五色雲中帝大悅勅伶官奏霓裳羽衣一曲後數日廣陵上其事 幽怪錄

按舊說廣陵天甯寺前有古譯經臺蓋卽此墩也其說著尹憲副碑記互見寺觀 以上原志

燕城墩在六開外運河側四面皆水上有文峯院柳營第一泉在平山堂下乾隆三十三年游擊白雲上名其所浚井作亭于上曰洗心

通理泉縣學大東門井也地屬江都與甘合學凡學皆

有泮池此獨缺焉然府學雖砌有池地形高仰長年枯涸縣學大門外左右二井形家以為地勢如鼇井其二目利在用汲江都志曾及之乾隆五十一年邑紳秦觀察覺議加淘浚署教諭管濤鑄題其名曰通理

太平水倉井二口在多子街乾隆五十九年四月小東門外延燒數百戶邑人公請鹽務官房被焚基地疏浚以備不時取水以上續志

淮水自高郵州至露筋祠入縣界十五里至腰鋪十里至三溝十里至邵伯驛十里至東西灣十五里至高廟五里至灣頭十五里至廣陵驛交江都縣界計八十里

行水

導淮自桐柏書禹貢

地理志曰桐柏山在南陽平氏縣東南平氏漢縣隋開皇十八年

改以桐柏山為名淮水所出孔氏疏

淮出餘山餘山乃桐柏之別名餘山在朝陽東南今南陽府新野縣西有朝

陽故城義西鄉梁置縣名山海經

淮水出南陽平氏縣胎簪山桐柏縣志胎簪山在縣西北三十里東北

過桐柏山水經

桐柏縣西三十里胎簪山之陰有泉曰淮井即淮水發源處泉眼三出即在井旁伏流二十餘丈始迸地

羣出至桐柏縣繞城北門而東出桐柏山之南深不
過五六寸至尺餘寬不過四五丈漸流漸大成渠成
川矣 桐柏縣志

淮均也 風俗通

淮者均其勢也 春秋說題辭

淮韋也韋繞揚州北界東至於海也 釋名

按淮水為瀆瀆也者獨也自發源桐柏過郡

四南陽汝南 淮浦故城在今至廣陵之淮浦 淮安府安東縣

西入海未嘗入江也宋神宗熙寧四年開洪

澤湖達於淮則湖水皆淮水明萬歷間在清

爾不賦河縣作清口引淮水七分刷黃三分濟運又

賦於洩諸湖之水由運道達下河則淮益南下正

葛正平白博所謂汴水流泗水流流到瓜洲古渡頭

盡於海矣又孟子排淮泗注之江朱子以為記者之

誤後人回護其說以春秋時吳開邗溝通江

淮則淮久已注江矣然非禹蹟之舊也

古邗溝即今運河 新舊府縣志

哀公九年 周敬王三十三年秋吳城邗溝通江淮 左傳

吳於邗江築城穿溝東北通射陽湖西北至末口入

淮 水經注射陽故城在今山陽縣東南縣西有山陽

通糧道也今廣陵韓江是左傳杜氏注

明張羽邗溝詩衰楊夾高防北風暮颼颼道逢長老
問答言是邗溝相傳開鑿初民勞天為愁至今濁河
底時見白鬪骸陸通梁宋郊水漕荆吳舟渠成萬世
利慮始難為謀至今南北郊此土為名州飛閣跨通
波張幄如雲浮憶昨少年日寶馬珊瑚鉤經過劇辛
輩結託金張儔醉酒璠花觀徵歌明月樓羅綺朝還
暮笙竽春復秋繁華逐逝水一往不可留向來歌舞
地茫然狐兔邱窮老無兒孫杖屨驅羊牛少小心尚
爾不知今白頭欲從亂離說恐余增離憂長揖分杖

去零淚如絲流靜居集

張昱邗江懷古詩家國承平厭萬幾輕乘黃屋出京
畿五年巡狩前王有千里看花亘古稀河畔柳條春
自長苑中螢火夜還飛當時九廟躬辭日肯信龍舟
竟不歸

續志考正又見後古蹟內

合瀆渠在府城東二里即古邗溝今運河也雍正縣志

合瀆渠在江都縣東二里元和郡縣志

邗江亦曰合瀆渠今為漕河方輿紀要

官河即春秋吳通江淮之處古邗溝也方輿紀要

三國吳嘉禾三年分道伐魏將軍孫韶等入淮向廣陵淮陰又太平二年孫峻使文欽等自江都入淮泗以圖青濟蓋皆使之自邗溝以入淮也

方輿紀要

隋大業元年發民十萬開邗溝入江渠廣四十步旁築御道樹以柳

通鑑綱目

按隋之官河歷代志乘皆以為即古邗溝亦即今之運河乃江都志又別載所謂汴河者考通鑑及隋書云煬帝命尙書右丞皇甫議發丁百萬開通濟渠自西苑引穀洛水達於河復自板渚引河入汴引汴入泗以達於淮

開河記亦云自大梁起首於樂臺之北建修渠所署命之為汴渠然則汴渠者在淮泗以西而不在淮口以下瞭然矣似縣志所載汴河不免傳會故竟汰之而列官河一條蓋官河即汴河每見之於唐人詩句而又確在邗溝也至隋隄之起亦自大業自應繫之官河後

運河即古邗溝自廣陵驛十里至灣頭五里至高廟十五里至東西灣十里至邵伯驛十里至三溝十里至腰鋪十五里至露筋廟交高郵州界共計八十里

行水金鑑以下

互詳河防

夫差欲霸中國乃築城廣陵穿溝東北通射陽湖西北至末口謂之邗溝吳王濞煮海為利復開邗溝隋煬帝幸江都發淮南諸州兵丁十餘萬開邗溝自山陽至揚子入江蓋前此揚州西北自末口達六合東北自射陽湖入淮至是始自揚子達六合自山陽瀆入淮矣 同上

按邗溝合瀆渠古官河今運河一水而異名者也由南而北為運道由北而南為淮水故連次之

邵伯舊越河在運河東明萬曆二十八年開 雍正府志

新越河在邵伯鎮南康熙三十九年開有南北二壩 雍正縣志

人字河在府城北三十五里即邵伯金灣閘下之新河

白金灣十六里至運鹽河二里入芒稻河閘又自芒稻

河閘十八里入江計長二千二百九十三丈 雍正縣志

鳳凰橋引河在府城北三十里由芒稻河入江 雍正府志

邵伯湖在府城北四十五里東接艾陵湖西接白茆湖

南通新城湖北接蠶社湖 雍正縣志以下互詳水利

晉太元十一年築堰灌田民思其德比於召公因名

唐興元中作隄以護之宋天聖七年置閘通漕今為

邵伯鎮置巡司邵伯驛亦在焉為水陸孔道方輿紀要

宋陳造邵伯停舟避雨詩窻度荷芰風舟艤鴛鴦浦

落帆憇篙師辟此白淙雨長征取愜快留滯不為苦

適喜懸麻勢為盪鑠石暑去年舟繫柳臥看虹飲渚

龍公會事發尙記跳珠語崎嶇不諧俗似為龍所予

一杯酬新涼開瓶先酌汝

明李東陽過邵伯湖詩蒼蒼霧連空冉冉月墮水飄

颺雙鬢風恍惚無定止輕帆不用楫驚浪長在耳江

湖日浩蕩行役方未已羈懷正愁絕況乃中夜起懷麓堂

續志考正舊越河及邵伯湖五條見後河防而紀

黃子湖在府城北六十里東通官河西至末口雍正縣志

赤岸湖在黃子湖西同上

新城湖在府城西北四十五里東通官河同上

白茆湖在府城東北四十五里同上

朱家湖在府城東北五十里東通官河西至末口雍正縣志

艾陵湖在府城東北四十五里邵伯鎮之東同上

大石湖在府城東四十五里平寮鄉一名岱石湖一名

棹石湖水通張綱溝 同上

葑塞湖在府城東北五十里艾陵鄉北通淶洋湖南通

艾陵湖 同上

淶洋湖在府城東北六十五里南接艾陵湖東北屬高

郵州 同上

甕子湖在淶洋湖之西 同上

採菱港在淶洋湖 雍正府縣志

薔薇港在府東六十里一名薔薇溝接高郵永貞港 雍正府志

張家溝在府東北四十五里艾陵鄉西通官河北接艾

陵湖 同上

續志考正黃子湖及張家溝共十三條俱見後水

利湖澗內

槐家河在府城東北十五里本槐姓所開故名自陳公

塘接雷塘引水至灣頭入運河 雍正縣志

淮子河在府城東北十二里亦曰懷子河直接雷塘下

達槐家河久湮雍正六年濬 同上

鰍魚口在邵伯鎮河西乾隆三年復 縣案

市河自府城門外高橋運河口起歷保障河硯池口至

南門外二道溝接運河又自便益門弔橋起繞城東北

一從新城拱辰門水關至挹江門水關出針橋接運河
一從舊城北水關至南水關出響水橋接運河而界屬
甘泉者自高橋河口起至古渡橋中止又自便益門至
小東門弔橋中止明嘉靖間開

國朝康熙十三年雍正九年兩次復濬 雍正府志

柴河在城北三里東通運河西接市河相傳為川城南
濠之址 雍正府志

保障河一名砲山河在府西一里南通古渡橋北抵虹

橋西繞法海寺明崇禎十年開 雍正府志
國朝雍正十一年知府尹會一重濬 雍正府志

龍河在府城西北砲山河之前東通運河 雍正縣志

煬常港在府城西北十五里水逕隋故宮接雷塘近煬
帝墓故名 雍正府志

續志考正槐家河以下八條俱見水利河港內
公路浦在府城西 同上

廣陵西一里水名公路浦袁術自九江來奔袁譚於
下邳經此因名 北征記

九曲池在府城北七里蜀岡麓 新舊府縣志

煬帝建木蘭亭於池上奏水調九曲故名鮮于侁詩
序云初帝欲幸江都命樂工撰水調九曲工人王令

言謂其子曰此曲無回聲汝行必不反矣 同上

唐白居易詩五言一遍最辛勤調少情多似有因不

會當時翻曲意此時腸斷為何人 長慶集

宋王琪九曲池詩越調誰家曲當年亦九成哀音已

亡國廢沼尚留名儀鳳終沉影鳴蛙祇沸聲淒涼不

可問落月背蕪城

蘇轍九曲池詩嵇老清彈怨廣陵隋家水調寄哀音

可憐九曲遺聲盡惟有一池春水深鳳闕蕭條荒草

外龍舟想像綠楊陰都人似有興亡恨每到殘春一

度尋 欒城集

第五泉在蜀岡大明寺前唐張又新品定宋歐陽修有

水記明御史徐九皋書第五泉三字立石

元祐六年七夕東坡與發運使晁端彥吳倅晁无咎

大明寺汲塔院西廊井與下院蜀井二水校以塔院

水為勝 墨莊漫錄

宋歐陽修大明寺水記世傳陸羽茶經其論水云山

水上江水下井水次又云山水乳泉石池漫流者上

瀑湧湍激勿食食久令人有頸疾江水取去人遠者

井汲多者其說止於此而未嘗品第天下之水味也

至張又新為煎茶水記始云劉伯芻謂水之宜茶者

有七等又載羽爲李秀卿論水次第有二十種今考二說與羽茶經皆不合謂山水上乳泉石池又上江水次而井水下伯芻以楊子江爲第一惠山石泉爲第二虎邱石井第三丹陽寺井第四揚州大明寺井第五而松江第六淮水第七與羽說皆相反秀卿所說二十水廬山康王谷水第一無錫惠山石泉第二蕪州蘭谿石下水第三扇子峽蝦蟆口水第四虎邱寺井水第五廬山招賢寺下方橋潭水第六楊子江南潞水第七洪州西山瀑布第八桐柏淮源第九廬山龍池山頂水第十丹陽寺井第十一揚州大明寺

井第十二漢江中潞水第十三玉虛洞香谿水第十四武關西水第十五松江水第十六天台千丈瀑布水第十七柳州圓泉第十八嚴陵灘水第十九雪水第二十如蝦蟆口水西山瀑布天台千丈瀑布皆戒人勿食食之生疾其餘江水居山水上井水居江水上皆與羽經相反疑羽不當二說以自異使誠羽說何足信也得非又新妄附益之耶其述羽辯南潞岸下水怪誕尤甚夫水味有美惡而已欲求天下之水一一而次第之者妄說也故其所說前後不同如此然此井爲水之美者也羽之論水惡滄浸而喜泉源

故井取汲多者江雖長然眾水雜聚故次山水惟此說近物理云

歐陽文忠公集

乾隆二年郡人汪少卿應庚於幽右鑿池得古井井大於常螿螿極堅緻鐫殿司監造四字井底有景福錢盈貫掬飲其水清冽甘美考古家謂此井乃第五泉也良常王吏部澍書天下第五泉五字嵌諸壁太守高公記

國朝知揚州府事高士鑰第五泉記光祿汪公慕歐公遺蹟爲平山主人毅然從七百餘年後重修而恢廓之東西梵刹殿廡樓閣煥然一新前郡守今大中丞

尹公爲文勒碑以紀其盛公一日憑眺岡巒環矚左右慨然曰茲山氣體蟠結而神韻不流是宜池水淪漣受烟雲而宕風月始足以暢千古之襟靈於是相度山麓之地購得數十畝鳩工開濬自冬及春積畚鍤之勤惟恐其不灌注忽有泉源從地湧出豁然而天日熒雪然而珠璣沸井谷宛然汲而飲之其味甘美不亞慧泉觀者接踵於道日不下數千人咸額手相慶曰異哉此真第五泉而今乃出也考揚州府志第五泉在大明寺之西南大明寺卽今棲靈寺斯泉正出其西南開泉時得景福錢景福乃唐昭宗年號

增修甘泉縣志 卷之二
也由唐宋迄今此泉之顯晦不知歷幾何年矣一旦
復見於人間豈非造物者默相好古之懷俾斯泉踴
躍奮迅而出歟抑何奇也乃卽舊井堅甃以石周以
層臺緬以修梁而作亭於其北四面臨池復立碑於
池之西與井相直而覆以亭表之曰天下第五泉良
常王司勳虛舟筆也烟波瀰漫竹樹環匝向之所有
五烈坊皆隱現於叢翠蔭樾之中以增池亭之勝而
爲第五泉之外護詎不益壯其觀瞻耶今年夏秋苦
旱塘井皆涸遠近居民汲是泉而飲者日萬家而水
不竭此尤足慰公濟人澤物之素心而非僅一勺一

鐫一詠一游之惠也夫世人役身於聲利之藪語之
以山林泉石之娛有掉首不應者矣卽或創園亭池
沼亦祇深居自怡悅已耳若公於四海公好之名區
千古風流之勝蹟合數百載以上數百載以下之性
情旨趣一一爲之不惜傾數萬之資歷十年之勞而
不倦此非心地至公識量至遠者而能之乎至是茶
香松籟悠然會心而平山一堂高深之致備矣使歐
公復生俯仰徘徊於其間其樂更當何如公之心與
廬陵遙相質也公之澤不與斯泉俱永乎余忝守土
深服公之濟人澤物之誠又喜其得泉之奇故援筆

記之

甘泉在甘泉山上

蜀井在府城東北蜀岡禪智寺側其泉脉通蜀味甘冽

亦如之故名

萬歷縣志

揚州蜀岡上禪智寺側有井味甘冽與蜀岡通前有

一蜀僧在蜀江洗鉢失之乃從井浮出為禪智僧所

得置佛前後數年老僧過而見之驚曰何緣到此脫

納衣贖去

紫桃軒雜綴

宋蘇轍蜀井詩信脚東遊十一年甘泉香稻憶歸田

行逢蜀井恍如夢試煮山茶意自便短綆不收容盥

濯江泥仍許置清鮮早知鄉國勝為客游宦何須更

着鞭

樂城集

黃裳蜀井詩

傳此井自嚴君平題

地行仙蹟世難知極數高人

出數時隱顯自通淮與蜀興亡誰管晉兼隋

仙家洞府天下

與蜀通者青徐自有兩處

演山集

九女澗即西澗在府城西北三十里昔傳秦九女墳在

澗側故名

萬歷縣志

花山澗在西門外今淤

同上

文津在府治東有橋跨其上

同上

東津在大東門外

同上

續志考正九女澗以下四條又見後水利湖澗內

董井在大東門外鹽運使大廳後

萬歷縣志

董仲舒宅古江都縣址也仲舒為江都王相居此有

井號董井

輿地紀勝

明張萱董井詩大道久淪替蔓草紛蒙茸董生紹典
型白日行太空鳳德無乃衰而生元光中薄宦羈王
官豈不思冥鴻挾策抗天人何以取三公微言振千
古荒井空孤桐撫之有餘思落日啼秋蟲願言載麟
筆慷慨齊高蹤

國朝吳嘉紀董井詩

在董仲舒先
生舊宅內

一泓漢家水苔深汲

者寡當日供大儒今日飲戰馬夏公入封來對麟故
程文正董井詩賢良登漢殿三策對天人道僅終王
相儒當作帝臣池臺繁露遍俎豆玉杯新故宅留遺
井空教汲引頻

水部遺詩

玉勾井在蕃釐觀後

康熙府志

昔有黃冠持畫軸見守帥畫中字皆雲章鳥篆不可
識既去使人躡之至后土井而沒乃使囚縶下視之
見一洞署曰玉勾洞天再入則水瀾漫不可復至矣

名勝
志

國朝汪懋麟玉勾洞天記幽渺怪異不經之事君子之

所不道以其不可知卽不可信卒亦不得而傳也若
既傳矣卽可信可知雖欲不信使其終無傳也亦不
可得也揚州有玉勾洞天載於郡誌在蕃釐觀後相
傳唐時有道士持畫謁守帥字皆雲章烏篆不可識
守異之使人蹟其後則入后土祠井中因以囚人視
見屋宇森然額曰玉勾洞天復入水漫不可見矣今
瓊花觀卽古蕃釐觀所以祀后土者井故在雖其事
有無不可知而相傳既久井上有亭順治初遭悍弁
鎮揚牧馬於此亭遂覆井亦隨塞余過此每徘徊嘆
息思修復未能也會壽州御史夏公人佺來修醮於

觀招轉運王公維新郡守金公鎮及余周覽殿廡相
與尋玉勾遺址得其故處突然窪然惟土一邱東污
潦西民居北侵爲道路荒榛敗瓦充塞滿目因共謀
濬井築亭御史公曰城社疆土郡守責也復厥舊基
惟金公鳩工庀材轉運事也用厥材力惟王公執筆
而紀之使傳於久永舍人其何辭予曰諾從來言神
仙者多不可信而道書所紀大小洞天以百數十計
其中可喜可怪之事往往而有大抵皆高人達士善
人君子始可與於神仙之徒而市俗無行之人不可
語諸此也後之來遊於斯者尙其自省而勿泥其見

於井中乎

百尺梧桐閣集

青龍泉舊屬天甯寺新城既築在天甯門內泉上有亭
久廢

康熙府志

明高宗本天甯寺青龍泉記天甯之爲寺肇於晉歷
千有餘年屢厄兵燹陵谷變遷不無興廢故正殿之
前甬道則崩頽圻裂沒入荒草山門外路直長不下
二百步中則積土高壅欺寺門矣成化十四年戊戌
太守三山楊公成正視篆之初祝禧此寺慨然興嘆
以爲甬道廢圯山門外積土壅塞更張除葍非主僧
之責歟時主僧惠寧乃與道人俞普瓏身親畚鍤增

高甬道與露臺平山門外路剷除積土更以磚石墊
之太守給俸餘以資其食又撥人夫以助其工垂成
之際寺門右偏深土中掘出古井井中得一古龍背
鏡人猶未以爲異也越十有七年辛丑夏大旱太守
率僚屬祈雨至寺所忽有青蛇從井中出太守遣人
貯以大甕昇寘壇上是日大雨四境霑足蛇竟不知
所之人大以爲異太守詢之故老曰此寺伽藍神青
龍將軍也今禱雨而青蛇出豈青龍之神歟不然何
以得甘雨之速也太守乃合眾議名其井曰青龍泉
博施井在府城內開明橋南大街中

雍正縣志

增補甘泉縣志 卷之二
惠民井在邵伯鎮

晉謝安築埭時所鑿

舊志

洛橋渡

附

洛橋在廣陵城東水上有梁謂之洛橋

水經注

萬歲橋在萬歲樓之下今圯

名勝志

二十四橋隋置在府舊城

府舊志

二十四橋併以城門坊市為名自韓令坤省築州城分布阡陌別立橋梁所謂二十四橋者或存或廢不可得而考

方輿勝覽

揚州在唐時最為富盛舊城南北十五里一百一十

步東西七里三十步可紀者有二十四橋最西濁河茶園橋次東大明橋入西水門有九曲橋次東正當帥牙南門有下馬橋又東作坊橋橋東河轉向南有洗馬橋次南橋又南阿師橋周家橋小市橋廣濟橋新橋開明橋顧家橋通明橋太平橋利國橋出南水門有萬歲橋青園橋自驛橋北河流東出有參佐橋次東水門東出有山光橋又自衙門下馬橋直南有北三橋中三橋南三橋號九橋不通船不在二十四橋之數皆在今府城西門之外

沈括補筆談

唐杜牧詩雲山隱隱水迢迢秋盡江南草木凋二十

四橋明月夜玉人何處教吹簫 杜樊川集

宋歐陽修詩綠芰紅蓮畫舸浮使君那復憶揚州都

將二十四橋月換作江南十頃秋

按二十四橋有兩說其一說即沈括補筆談

內有歷數其名者又一說乃止一橋而名二十四

者總之城已屢遷則橋亦不可復考矣又有

十五橋者蓋以唐張喬寄維揚故人詩有月

明記得相逢處城鎖東風十五橋之句而起

也然張喬之友人或居二十四橋之半亦未

可知何必泥以實有此橋哉故刪之

三橋

畢師鐸與呂用之戰於三橋北 通鑑紀事

按書史所盛稱者有此數橋然不可攷其處

矣今照府縣志將城鄉實有橋渡具列於後

文津橋在府學東首跨市河明宏治九年同知葉元造

萬曆十三年巡鹽御史蔡時鼎建文昌樓於其上

明儲懌文津橋記揚之學肇於宋仍於元至明屢修

建之殿堂門廡既飾既奐惟是東西行者出入委巷

狹隘無以稱宏治己未春教授李師文諸生葉如燦

百餘人白其事於御史劉君堯遂委諸同知葉君元

爰貨氓廬橋諸水以屬於通途甫僦工知府許君節
至曰是當遠大圖乃伐石爲梁爲翼而輒覆之東西
峙以桓表元大書曰文津又明年御史馮允中巡蒞
兩淮特藻絢其表且屬巵志歲月於石無何王公恩
擢自臺察殿守此邦訖其緒餘而橋遂成蓋皇有四
極迄今百有餘年右文興學古莫與侔雖荒陬遐壤
學宮備具揚爲江淮一都會冠蓋之盛舟車之衝謁
廟詣學之使恆相望也而道隘弗治顧漫焉莫加之
意雖非吾道隆污所繫然郡望之重民志之同在物
理有不當然者乃今始協羣議更眾力規而稱之豈

非有待然與天下之事恆狃乎舊而難卽乎新蓋如
此巵於是有警焉今夫築室聚土而詔之者凡以學
焉耳學之成在明體以適用是豈易哉姑喻之廟也
學也其體也途也橋也其用也昔途之與橋未備也
亦何病於學然人視之有歉然不自克者必旣備焉
乃已士學於茲苟體有不具用有不周吾豈無遺恨
而無缺望於人哉橋於斯途於斯者可以繹思而興
起矣稽之郡志揚之橋多矣其聞者惟昔人觀游題
詠所及而已今求其處又往往頽沒不可以盡識何
哉橋固因人而重也揚故文獻之國也異時體用之

增修甘泉縣志 卷之二
士羣然出其間蓄道德於躬昭功德於時則人將不
曰橋之助哉若然豈惟斯橋得微寵以聞凡與茲役
者與有耀焉而不腆之文或得附題詠者之後即諸
橋之勝皆莫得與之倫矣或者謂橋之建初以堪輿
家之說夫崇聖學隆教基進諸生於道乃良牧守名
御史之意也奚取是哉確故略之剗所宜言者爲記
開明橋在府治東北大街東西跨市河俗呼開門橋橋
上有樓牕櫺四面今圯 新舊府縣志
國朝乾隆五年邑人江部郎承炳重修并橋東西大路
王觀芍藥譜云開明橋左右春月花市盛於一州 舊志

通泗橋在江都縣東大街東西跨市河明洪武七年揚
州衛指揮馬于開建 同上

國朝乾隆五年邑人江承炳重修并橋東西大路

太平橋在縣西南大街東西跨市河 同上

國朝乾隆五年邑人江承炳重修并橋東西大路 同上

新橋在縣西南大街東西跨市河明洪武七年揚州衛

指揮馬于開建 同上

義濟橋在南門外明張棧建 同上

橋頂有一石兩餘現太極圖形及蝦影里人異之橋

西碑亭有葉侍郎相記 舊府志

惠民橋在南門月城內東西跨市河 雍正縣志

大東門外弔橋 小東門外弔橋 北門外弔橋 金

橋在北門外 天甯門外弔橋 以上五橋並於

國朝乾隆五年邑人江承炳重修并南門外二道溝橋

畔石岸 止馬橋在大東門外明武宗南巡百官迎駕止馬於此

故名今俗呼臣止馬橋 府縣志

洗馬橋在新城馬監前 同上

宛虹橋在新城

國朝乾隆三年邑人江承炳重修并興運街左衛街路

夾剪橋在新城梵覺寺東南 雍正縣志

彌勒菴橋在新城皮市街東 同上

轅門橋在教場南首

江家橋在新城便益門內 同上

小市橋一名宵市橋在北水關外相傳隋煬帝於此開

夜市 同上

國朝宗元鼎宵市橋詩豐樂名存酒庫荒隋家遺蹟寶

城傍河橋尙憶繁華夜小市春燈煮百羊

葉公橋在北門外葉侍郎墓前相傳造橋時土中掘得

白玉一片有葉公橋三字蓋前定云 雍正縣志

通運橋在北倉官河西岸

同上

永甯橋在東水關東西跨運河即通泰渡也久廢

阿師橋今北門

周家橋今北門

擣衣橋

明沈德符詩曰佳名二十四最好擣衣橋

迎恩橋在北門外久廢今通舟楫

九曲橋在北門外建隆寺前

上方橋在府城東北五里明正統三年僧如瑫募造漕

河通志改爲北來橋今名高橋

府志

紅橋在府城西北亦名虹橋府志云朱欄跨岸綠楊盈

隄酒帘掩映爲勝遊之地

雍志縣正

國朝王士徵有紅橋遊記

王阮亭云予嘗與袁令昭杜于皇諸君宴於紅橋子

自爲記作詞三首所謂綠楊城郭是揚州是也令昭

酒間作南曲被之絲竹又嘗與林茂之孫豹人張祖

望輩修禊紅橋予首倡治春詩二十餘首一時名士

皆屬和予既去揚州過紅橋多見憶者遂爲廣陵故

事陳其年云官舫銀燈賦治春廉夫才調更無倫玉

山筵上頽唐甚意氣公然籠罩人宗梅岑云休從白

傳歌楊柳莫向劉郎演竹枝五日東風十日雨江樓
齊唱治春詞
又王阮亭詩舟入紅橋路垂楊面面風銷魂一曲水
終古傍隋宮 水榭迎新秋素舸自孤往漠漠柳棉
飛時時落波上
史申義詩紅橋無幾曲秋水城隅長蓮葉已離披芙
蓉正堪賞安得攜童穉深深搖畫槳非同洛濱戲不
比山陰訪頗聞保障湖蒲葦清流廣水天自容與人
影久俯仰雅游無俗情勝地發遐想鳧鸕自成羣蛺
蝶見三兩秋蟬鳴古柳吾舟或可榜未知此生間當

著屐幾緗

國朝乾隆元年七月郡人黃部郎履昂以橋圯獨力承
造八月竣工

五里橋在城西東西跨小壩 同上

法海橋在法海寺前明嘉靖四年揚州衛指揮火晟造
知縣馬駙記 同上

清平橋在府城北三里栖靈寺前明成化七年指揮陳
昱造高宗本記 同上

月明橋在大儀鄉禪智寺前

山光橋在山光寺前

漫鑿橋 王逢梧溪集

便橋在大儀鄉

相別橋在城西七里俗呼象鼻橋

雙橋在西門外七里店東

張廷輔橋在西門外俗以其人所造卽以名之

上官橋在上官鎮

槐子橋在城北十二里槐子河

于家磚橋在槐子橋北

槐家橋在城北十五里南北跨槐家河唐末楊行密張

神劍屯兵處

鳳凰橋在城北三十五里相傳昔有鳳凰止於此故名

東浮橋西浮橋俱在西興鄉

國朝乾隆元年邑人江承炳重修登西興鄉劉家集路

磚橋在城東北四十五里唐頭庄元至正間黃新造

美棠橋在邵伯鎮街西今圯

通湖橋在邵伯鎮街東通朱家湖何正茂造

石橋在邵伯鎮美棠橋北東西跨官河古名虹霓橋久

廢

惠政橋在邵伯鎮梵行寺東舊傳晉謝安以政惠民故

名

隱棠橋在邵伯鎮梵行寺西通朱家湖

寶公橋在邵伯鎮南明永樂間僧寶公募造

國朝康熙三十八年被水決隄橋圯寺僧了愚募築長

隄重建此橋於隄上

七截橋在邵伯鎮梵行寺西長十餘丈 舊志

國朝乾隆二年邑人江承炳修

普濟橋

國朝乾隆七年郡人許華生創造

湖口橋在城北五十里黃子湖口一名僧道橋一名孫

渡橋一名公道橋長三十餘丈

國朝乾隆三年邑人江承炳重修并橋東西路

老壩橋在黃子湖

黃珏橋在黃子湖圯里人焦淇於雍正□年重建

火燒橋在黃子湖

宋家橋在湖口橋西北二十里為高郵甘泉分界

東關渡在利津門外官河

陳公渡在便益門外官河雍正十一年知府陳宏謀設

高江渡在湖口橋□十五里康熙十三年知府金鎮設

潘家古渡在邵伯鎮河西本潘氏舊設康熙三十八年

大水後廢雍正四年里人潘鴻重造渡舡築石岸眾為

立石題曰潘家古渡

安樂渡在湖口橋北七里野溝灣之南卽邵伯露筋大湖諸壩西接高郵宋橋向無渡康熙十四年諸生李敲揚置設並置司渡僧田

高公渡在便益門外黃金壩官河乾隆三年知府高士鑰建設

普濟渡在邵伯鎮城隍廟官河乾隆七年知府高士鑰建設以上原志

通津橋見稽神錄

登瀛橋見成廷珪詩集

虹橋前志一作紅本以板爲之乾隆元年郎中黃履昂

改建爲石十五年後屢修中建亭

渡春橋在西門外二弔橋之北

蓮花橋在法海寺後御史高恆建上置五亭下列四翼

洞正側凡十有五亭今圯

春波橋跨保障河之半中築小洲爲亭榭駕橋通之

長春橋跨迎恩河

按蓮花春波長春三橋向與長春嶺前之玉版橋爲四橋煙雨玉版本無橋編竹爲筏此皆通行人往來在園內者不之及

永濟橋在邵伯鎮東街下河土民捐資公建

竹巷義渡在邵伯鎮竹巷口里人尹氏立 以上續志

公道橋在城西北五十里一名僧道橋孫度橋長二十

餘丈乾隆三年邑人江承炳重修後改為渡橋與黃珏

橋相距十里道光三十年里人重修阮亨有碑記 北湖續志

黃珏橋在城北三十里同治年間里人重修

邵伯陳家溝義渡在邵伯河西光緒六年里人潘榮書

募創七年兩淮商人施建待渡亭二一設河東六閘一

設陳家溝往來稱便洵美舉也 以上新增

增補古泉縣志 卷之二 增補古泉縣志 卷之二

